



22.6553  
6772.073  
6

6



Kodak Color Control Patches

metres

鄖縣人物志卷八

國與天地必有與立惟忠孝節義乾坤之正氣  
足以扶名教而植綱常立人之道曰仁與義維風  
善俗孰大於是鄖邑地近西北山水環抱孕育獨  
厚水土之所生神氣之所感具有魁奇忠信確乎  
不拔之概以故毀身致孝苦節完貞代有傳人近  
年兵燹頻仍或裹革效忠或捐軀赴義精誠所感  
歷久彌彰其光氣有不可磨滅者亟宜表章以維  
風教至若里社耆英善士義舉鄉黨欽仰稱道勿



衰亦閭里盛事也其他名流寄跡苟有可觀附載於末以志一時佳話云爾志人物

明

孝友

范 玉洪武初貢生品端學粹仕光祿丞居父喪哀毀骨立既葬廬墓遇忌日輒不食泣悼如初

李 智永樂初貢生事親以孝聞母喪貧不能殯負土為塋結廬墓側後除河南衛經歷以廉著

李廷遇嘉靖舉人官知縣轉部曹陞廣西按察僉事所

至皆著政績以親老告歸不復仕

寇

韋字自緩嘉靖舉人少穎異以易學教授鄉里性

孝友弟貧以已宅授之仕直隸趙州學正寇來犯韋

乘城籌禦一時文武倚重後陞南雍助教歷敘州同

知

溫如玉字孟醕號少谷嘉靖進士事親以孝聞除行人

拜御史巡鹺浙江按蘇松陝西綽露丰稜著有延綏

善後圖蘇松賦役法擢山東副使卒撫治王世貞銘

其墓詳藝文弟如春舉人任真陽令亦以清介稱按

玉遺像今存三元宮

謝 殿嘉靖舉人任西華令有政績去任民為立祠殿  
同榜江以祺以孝友聞公門不妄通刺謁閭里重之  
楊湛然萬歷舉人居家孝友人號長者任汾州推官轉  
莒州牧有治劇才歷刑部郎中除順慶知府多異政  
考最為天下第一陞兩淮運使歷廣西左布政卒祀  
鄉賢

江文亨天啟舉人以孝友聞授鄆都令擢商州牧薄賦  
慎刑士民愛戴

國朝

趙嗣國邑諸生天性誠篤父早卒奉母盡孝及歿廬墓  
三載同時庠生陳紹儒失怙恃甫十齡祖父母病躬  
嘗湯藥衣不解帶及卒哀葬如禮當道重其行與嗣  
國均請

旌

段懋官字惟賢庠生父母喪皆廬墓事繼母如所生籍  
舊有均州貢役族人至有鬻妻子以償者懋官為捐  
貲置公產取租應之舉鄉飲大賓

員貴志  
伍 寶幼喪父家貧傭以養母每得果實輒遺母冬無

完衣或遺之則以衣母母卒貸棺以葬仍出傭夜必

宿墓一夕盡哀去不知所終志

張世臣類編鄖陽衛蔭襲會衛裁失職窘甚事母孝每  
食則躬自操器以進不娶婦有議者世臣曰家貧恐  
無以養母也康熙八年母卒年且老遂孑然終其身  
趙晉基字子培號如山父依仁號虛亭工書畫有聲公  
卿聞晉基由乾隆辛酉拔貢官北城兵馬司副指揮  
秩滿授莒州牧多異政壬午

高宗純皇帝南巡晉基承修萬松山

行宮蒙

賞大緞一疋荷包一對方擢用以母病告歸色養承歡十

六年服闋籤發廣東借補文昌令政蹟無異莒州歲

辛丑黎賊犯文昌晉基嬰城守賊乃遁後因公鑄級

遂歸逾年病卒

張凌雲字舒翼乾隆癸酉拔貢以孝友聞日與知名士

藍樹趙晉基劉澤源花壘酣吟無虛日

任致中歲貢以孝友聞除來鳳訓導辭不赴任弟致曲

乾隆乙酉拔貢考取武英殿及太學志館校錄

吳 瀚字匯北號慎齋幼穎敏讀書一過不忘以乾隆辛酉選拔入監肄業尋念親老歸養家居教讀先品行而後文藝成就甚多年七十卒

劉天定恩貢生金鐸之子爲人處世一秉家訓性尤孝友迨後設教生徒幸多成就人稱家學淵源

靳聯輝歲貢生能文章試輒冠軍居家尤以孝友著後講學金剛山邑知名士多出門下

王 勲號又卿恩貢生事繼母以孝聞品行端方文章雄暢凡城中碑版多出其手

王希仲號可亭歲貢生生有夙慧十三入邑庠家居教授親知罕見其面兄希閔亦歲貢生雖係異母伯仲之間怡怡如也

閔 崇世以書香傳家性溫良積學未售繼母馬氏二十八歲孀居崇委婉順承上慰母心人無閒言

楊獻倫蝴蝶保人兄大籌居陝之商邑嘉慶初大籌運軍米沒於外無嗣妻朱氏有身族謀奪志嫁氏於王姓並遺腹亦立券賣之倫痛兄絕嗣控族某及王姓

於商邑戚友寢其事約之曰氏歸王姓遺腹生不問男女歸之楊及朱氏分娩舉男倫襁褓以歸適當兵戈滿地覓乳不得妻王氏忽產女卽以已女之乳乳之另覓他媪以乳已女人謂大等有後獻倫孝友所感而致信然

朱清山性至孝當髮逆逼近商弟富山負母先逃邀健兒陸傳太數人持刀矛遏賊來路連斃數賊賊眾至餘人竄去惟清山傳太力鬪死之邑人崔誥有傳詳藝文

黃玉魁邑廩生少負氣節食餼後隨父之房縣千總任旋僑居焉同治元年髮逆上竄房城一空母病臥牀褥魁侍左右及城陷賊欲脅魁以去魁曰天下豈有母病而子可遠去者乎况去而從賊如大義何賊追之不從遂見殺其母孔氏亦遇害

郭上林邑武生性至孝未婚時母患癱症出入皆親負之日侍湯藥盥洗雖便液不辭穢藝如是者二十餘年母故父又患癱症事之如母病時鄉里賢之

陳才保家貧不能娶父又早世保傭工度日事寡母得

其歡心母中年失明患癱症朝夕事奉惟謹雖極忙日亦必進食後始出操作起臥出入身背負之數十年不倦

楊永貴商化保創魚溝人傭工度日繼母病劇剖腹割肝雜藥以進母飲之立愈又有王殿高鮑先魁母病亦割股

明

德行

楊璘永樂舉人清介自守不求仕進所居僅蔽風雨

瀟然有自得之致與賈豫安恕同舉於鄉志趣大略相同

劉鍾永樂舉人授英山教諭每舉忠孝大節相激勵

遇寒士則資助之俾專心肄業士子為刻碑記之舊志

楊春永樂舉人謹厚寡言讀書力行不慕仕進有隱

君子風同榜張厚除定州判官致仕歸里足跡不入

公門囊無長物泊如也

劉俊成化舉人謹訥不妄交閉戶讀書時人希識其面著有山居集藏於家

張文正德舉人七歲能屬文累上春官不第遂杜門  
著書學者宗之類編

曾得祿宏治進士性磊落不務瑣細官兵部職方主事  
鎮山海關威惠並著及卒衣衾僅能蔽體著有鎮東  
草行世

李文宏治歲貢歷仕江州推官數平反大案全活無  
辜甚多州人肖像祀之

宋珍宏治歲貢留心時務條陳八事上即撫一豁額  
外耗羨二區分里甲三均徭役四通錢法五隆學校

六正喪禮七興水利八定鋪遞撫治釐之次第舉行  
後官西充主簿

韓謨宏治舉人官知縣甫履任即辭歸閉門謝客生  
平言行不苟鄉評重之

江淮東嘉靖舉人生穎異過目成誦歷久不忘授陽武  
令以公絀誤歸里遂不出

鄒浩隆慶舉人博學能文寡言笑志恬退不樂仕進  
平居以詩酒自娛足跡不履城市

秦嵩萬曆進士除巴縣令政尚寬簡而事無不治巴

人德之

李悅心萬曆舉人爲諸生時家甚貧餽遺卻不受後官陝西甯州牧清操益著

周之冕萬曆歲貢任湘潭訓導轉樂昌教諭歷著賢聲擢灌縣令辭不就卒祀鄉賢子士奇以貢除襄城令時流寇蜂起士奇堵禦有方調南鄭令擢綏德州牧會賊數萬攻城士奇率壯士夜襲之賊遁去百姓被賊焚搶者矯制發粟賑之陝督洪承疇上其功陞商雒參議監左良玉軍

赫 奕萬曆舉人初授永昌推官昭雪冤獄除成都同知擢龍安知府旋晉下川南參議天啟初奢寇亂奕親冒矢石卻之陞廣東右布政未到任卒川撫朱爕元以平奢疏於朝贈兵部右侍郎蔭一子入監祀鄉賢

楊天申萬曆舉人除江浦令擢延慶牧裁冗費均徭役課農桑招撫流亡邊境大治去後民爲立祠

王純臣貢生歷尋甸通判治績大著後歸里以文史自娛

謝申之天啟舉人爲諸生時貧甚歲饑學師欲僉其名  
領賑卻之後除政和令以廉著

李三省字思曾萬曆初以歲貢爲吳江主簿崑山丞丞  
職水利邑頻年苦潦三省乘小艇尋行阡陌閒便宜  
修築未嘗受民一鮭一菜會有范某者煽惑人爲  
會誘淫少婦三省杖殺之妖風頓息初在吳江置以  
竹篋出入昇之及在崑山未嘗改易公服革帶常質  
子錢家吏部尚書嚴清稱之曰居官如李丞天下豈  
復有墨吏哉已而病卒邑民附祀柳祠

蘇州府志

傅良册

册一作策

貢生官蘄州訓導轉教諭博學多識兼術  
數每試決士名次無不奇中升永州教授

王世寀明歲貢生立品好學歷任魯山祥符等縣訓導  
教門下生恂恂然一歸於正家課尤嚴襄陽訓導王  
思沈卽其子也

康泰字景和本縣人成化間任本衛指揮會唐鄧盜  
起撫治王濬遣泰殲之宏治中蜀盜野王剛剽劫竹  
山撫治戴珊遣泰討平科道交章薦陞總兵鎮守廣  
西

國朝

楊應祚順治辛卯歲貢德行文章一時欽重除遂溪令有政蹟卒於任著有南遊草行世

鄧桂林順治甲午拔貢博學明道恂恂守正鄉閭稱爲

鄧夫子未仕卒有著述藏於家

舊志

李紹賢字克紹號省菴順治甲午拔貢積學善屬文嘗偕通判仇昌祚纂鄖志類編子誠悠因其父掌鄖西義學隨侍讀書年十二入西庠雍正七年歲貢爲文不趨時徑能自成一家當時從遊成名者甚衆後遷

仙人河學者更名先生河足跡不履城市淡泊終其身

趙宏裕字復正有膂力膽氣過人時鄖虎豹爲害宏裕數擊殺之人號曰趙黑虎後由行伍以軍功擢衡州守備地屬苗獠多不逞宏裕肅軍政嚴斥埃操防整飭兵民賴以安尋引疴退常訓其子晉胄曰劍業不足爲也學以明理汝其勉旃壽八十五卒邑貢生楊三俊誌其墓稱宏裕先世曲沃趙村人明末遷鄖

黃敏先歲貢生嘉慶閒教匪起事鄉閒愚民尤易煽惑

敏先開導備至及奉文稽查匪黨敏先分別查辦曲全實多後設教於鄉循循善誘一時因造就而成者先後接踵

劉金鐸歲貢生讀書明大義謂舉子業非身心性命之學遂閉戶潛修研究聖賢精義一言一行必合規矩晚年輯忠經孝經小學各析義並著人生必讀書註解藏於家待梓

王 肅邑庠生明襄陽訓導思沈之裔嘉慶初教匪滋事奉諭督團捍衛鄉里者八年軍務告竣設教北鄉

先品行而後文藝一時多所成就立宗祠修族譜尤重倫常

吳錫章郡庠生性豪爽教子義方鄉鄰以公正稱之嘉慶間教匪滋事迭次督團防堵於金家坪陡河口等處鄖西火車嶺之戰鄉勇朱朝相詹長子死之公幾不免事竣秦督宜湖撫倭敘公積年勤勞保六品軍功咨部督學茹以義勇可嘉表其廬

吳元善歲貢生家貧力學著有學庸易講時稱斗南先生嘉慶初教匪煽亂有庠生劉謹者匪攀入黨元善

知其誣以全家保之事遂寢

王 穆廩貢生父炳歲貢生子道本拔貢生家學淵源  
爲東鄉望署嘉魚訓導奉檄捕蝗勞績茂著投諜歸  
絕意進取家居授徒五十載多所成就

周 書號西山恩貢生性磊落學有根據教授商山一  
時英儁多出其門

明

忠節

劉孔暉字默菴天啟辛酉舉人龍陽縣教諭巡按御史  
林鳴球知其賢表爲縣得河南新鄭是時羣賊擾中  
原河南大亂公從間道抵新鄭新鄭城且頽歲復凶  
民多逃徙或教公棄城走民寨自全賊勢甚盛毋守  
死空城爲也公謝曰朝廷不以孔暉爲不肖待罪茲  
土縣存亡卽孔暉存亡敢逃死乎於是修垣浚隍城  
守略具而李自成兵至呼城上速降獻官與印不然  
且屠公繫印於肘登城守禦而賊來益眾縣人洶洶  
欲走無固志富豪縋城降賊求生公執而斬之而賊  
已斬關入焚掠倉庫譙樓皆燬縣人皆走公大呼百

姓巷戰莫有應者賊射公中臂墜城而殞賊尋去圍人張賀等昇至民家燒湯灌之閱二日而醒移文上官言孔暉旦暮且死急遣官來署縣事且收印巡按高名衡不可公任城守如故賊復引眾至執公見印在肘間折臂取印去執至朱仙鎮見自成不屈遂遇害從者圍人涵三立亦感憤罵賊死其僕劉廷及門人鍾寬楊芳皆殉難是崇禎壬午正月十二日也事聞贈尙寶寺卿汪有典曰嗚呼公事親孝謹而與兄相友愛幼時詣塾師學書課已畢而兄課不能竟則

伏几泣師詰之以實對師喜每稱友愛純至以勵他子弟計偕入京師道聞兄疾卽反侍湯藥不懈此天性所發至誠惻怛於見危受命何如哉

王思沈貢生除襄陽府訓導崇禎十四年獻賊襲襄陽思沈題句云生無殺賊勇死有報君心與妻羅氏同縊明倫堂賊退門人殮之子新喆負遺骸歸

國朝雍正七年襄陽知府尹會

請入忠節祠

襄陽志

劉源泗邑庠生明末路馮二賊圍鄖城城中食盡將潰源泗縋城入賊營爲謀以閒之二賊互殺圍遂解

國朝

周良三順治間湖南都司歿於陣事

門遣官祭之贈遊擊蔭其弟良策

江化春竹山營外委因事革職寄居保康縣適教匪陷

保康春忠義出於血性見勢急事迫不忍眷口受辱

揮劍斬妻及女聞道出賊圍招義勇不數日奪回保

康城事聞復原官旋同吳全勦賊陣亡

劉兆選少沈毅有遠志咸豐元年九月隨征永安州轉

戰兩楚功勤懋著保儘先都司

賞帶花翎四年髮逆羅大綱由九江上犯田家鎮勢張甚兆

選大呼陷陣往復沖突殺賊多名力竭而死時年三

十四歲

劉景雲由武生入伍出師廣西以功保藍翎守備借拔

宜昌水師前營千總咸豐十年髮逆竄宜昌雲率兵

堵禦身先士卒因賊眾被擒誘降雲不屈賊縛之刃

其體加火藥於刃處且脅之曰降即不傷命復重用

否則然以火雲罵益厲曰丈夫死則死耳無多言賊

意塞遂徧焚其體以死

龍翔幼讀書有真性年及壯投訓字營攻賊於太和山克復湖口案內保縣丞儘先選用咸豐十年蕭觀察翰慶赴援湖州翔與其事沿途接仗身先士卒距湖州城四十里賊眾麇聚各營相繼披靡翔度不免兩手握刀馳騎連斫數賊馬忽踏地復踴身起與賊接戰大呼殺賊而死事

聞奉

上諭從優照千總例議敘死事地方准入昭忠祠

劉福陞生多膂力長入營擢馬兵隨征粵西轉戰湖北

安徽有功得六品藍翎咸豐十一年八月以克復德安孝感異常奮勇保儘先都司換花翎同治元年奉安徽大帥調赴阜城堵剿大橋集之戰賊厚兵單福陞帶隊冲鋒目眦皆裂誓以忠報國酣戰良久力竭身死後得屍查身受刀矛傷共十三處兩目猶炯然有光

江星南由行伍從征髮逆屢立戰功擢副將花翎加總兵銜管帶飛虎中營同治三年九月禦髮逆馬融和於蘄水縣之凹山以眾寡不敵戰死奉

上諭交部從優議敘並著於死事處暨德安廬州沙河等縣附主帥石軍門清吉專祠由各地方官春秋祭祀同治五年奉

上諭加贈提督銜議敘騎都尉兼一雲騎尉世襲

邢國章 吳定邦

以上二員官階無考

燕起恩四川茂州營都司咸豐二年十二月在湖北省城陣亡

白玉魁咸豐二年在廣西永安州陣亡

黃金棠咸豐二年在湖北省城陣亡

林得陞咸豐三年在田家鎮陣亡

朱世德同治元年在阜陽縣大橋集陣亡

郭占元同治元年十月在本城教場打仗陣亡

尹成業咸豐十一年在上巴河陣亡

以上千總

李上達咸豐元年在永安州陣亡

郭 璵 戴廷棟咸豐三年在田家鎮陣亡

孫宏惠咸豐四年在黃州府斗城陣亡

汪以壘咸豐十一年在上巴河陣亡

何近華同治二年在鄖西陣亡

江孔昭同治三年在蘄水縣山陣亡

以上把總

吳安邦左營外委嘉慶二年在宜昌府長樂縣陣亡

高連魁 龔 發咸豐元年在永安州陣亡

黃先春河南荆關營外委咸豐二年在長沙陣亡

江殿魁 耿文興 涂鑑明咸豐三年九月在田家鎮

陣亡

孫占魁咸豐四年在廣濟縣陣亡

馬洪玉 尤登第 楊正坤咸豐五年在道人橋陣亡

高仰順咸豐七年在黃蠟山陣亡

李東文同治元年在城外戰死

劉復勝 陳世棠同治元年在竹山縣陣亡

劉輝楚 高尙義

以上外委

陣亡兵丁

張棟 陳言 王克安 楊順先 王相

江士榮 余朝相 王子林 王進德 鄧瑞

陳發祥 鄧起鰲 李浩 蘇文林 周洪義

黃兆興 王金義 黃士金 徐之連 方正

尤坤 李如林 曾楫 李成傑 劉元

王治有 范均仁 董玉朝 黃甯 董得良

馬成林 常得陞 耿元祥 劉世槐 涂有貴

孔玉魁 李文山 余尚忠 龔文言 李秀德

汪文德 劉瑞 崔子友 黃炳富 余朝柱

潘興 黃士龍 張正貴 張繼遠 閻得祿

劉旭德 郭天學 廖君貴 江宗連 趙廷科

勝富 賀國甯 王友臣 鍾良仁 張得魁

柏貴天 田玉宗 吳良全 李元 袁得貴

陳萬年 劉柱 楊得雲 李大魁 樊貴先

孫禮 李福道 高魁 徐正龍 祁榮厚

郝復禮 王見卓 周長德 王國信 洪天爵

羅孟成 李勝奇 劉逢吉 朱白珍 楊士有

宋玉德 李作貴 方廷剛 蔡萬年 吳安國

馮開然 閻維得 李恆珍 熊永明 徐興祖

郝名遠 黃 貴 曾紹貴 高大成 徐大才

王 元 呂 選 曹有得 崔 智 張永勝

張萬年 汪有桂 傅起鳳 郭 全 王翰明

余成海 許維煥 李 林 方 昇 徐 明

甘文廣 朱 全 傅奇廣 李文元 王翰魁

劉玉昇 魏金魁 劉大賢 劉在榮 姚宗昇

王 先 奚文秀 趙應龍 劉宏略 雷 文

譚金元 袁宏智 徐士章 李得順 夏維舉

郭文全 吳瑜輝 李 蘭 羅國成 徐應祥

王世貴 熊自順 彭良林 崔 忠 陳邦獻

張光順 周興富 周之成 張得明 常 富

馬 成 徐道隆 鄧造道 李 成 朱射斗

易光武 張大學 王自新 孫 明 蘇上富

盧克明 齊從吉 孫國元 李長吉 王大傑

吳正有 張席珍 朱光斗 朱光祖 楊 玉

殷上禮 王玉隆 李安邦 蘇永宗 熊永科

李福貴 李玉美 齊萬吉 李成桂 王 華

郝子申 李 剛 李發元 袁復義 馬服任

忠節

楊自芳 張逢有 王福朝 鄭廷魁 韓廷玉

黃顯華 劉義 王永才 馬謙 袁世會

馬談 趙名忠 李德 郭映奇 朱白其

龔天朝 金殿爵 何開興 葉相才 何偉

楊起鳳 張學管 姚起龍 張友 龔天福

孫敬先 葉明 吳姓 葉相朝 郝金榜

李金岳 李金良 劉興朝 羅永國 羅永興

張良棧 張鈞 周世泰 趙士明 張際安

杜思耀 杜得尺 王國雄 官文忠 郭光明

李萬明 來年 劉姓 吳華廷 劉林

蕭晉 邱懷珠 王文科 葉均輝 邱德茂

邱造基 邱成基 曾起魯 曾泗玘 李如桂

李如芬 李如聰 陳見道 謝忠奇 陳友

凌在朝 張宏發 鄒斌 邢從貴 張玉貴

鄧得興 李仁 賈之朝 龔明 鄧子龍

王成 郭貴 李廷玉 汪學舉 李友榮

戢友貴 鍾朝臣 汪承忠 馬林 鄒學斌

張正明 董士志 朱國斌 張全 王世興

王文翠 胡成

以上二百七十七名從昭忠祠牌位上鈔出陣亡

年月無考

孫祥 李雲 趙子秀 王有禮 舒義龍

萬五十 潘國全 王有德 羅興邦 陳義明

陳萬福 陳祿 江尚志 江尙舉 何泗忠

何泗銀 朱朝應 朱得科 岳國志 盧田宗

嚴治友 李永鳳 嚴奎金 張宗友 劉文耀

段彩雲 江全 嚴奎忠 葛進朝 袁在銀

袁在虎 蕭希珍 張申 楊景龍 熊興銀

陳宗仁 張應選 王有賢 瞿君龍 朱全

梅維新 蔣玉琳 舒爾初 舒士金 王朝友

以上四十五名由通志查出補錄

戰亡兵丁名目

張集秀 馬陞 李發春 邵玉德 邢登雲

孔廣興 傅成 司正魁 海玉 曹義興

王翰棟 程占春 王士杰 蔣萬順 閻登本

馬萬義 黃有盛

以上十七名咸豐元年  
在廣西打仗陣亡

張發得 余 魁 王萬年 張得鳳 馬重裕

冷茂林 白開舉 張守先 耿元得 張 誥

張錦堂

以上十一名咸豐二  
年在廣西打仗陣亡

鄧占魁 曾 德 徐 德 程 祥 李占鰲

江長德 張信仁 孫秉得 涂建章

以上九名咸豐二年  
在兩湖打仗陣亡

何金魁 陳玉堂 趙得順 涂茂魁 劉建元

張玉英 寇 得 胡名芳 沈正聲 楊占春

何如林 楊光承 閔立達 曾 安 朱 魁

張金才 蒙修來 段占魁 蔣學魁 呂得勝

江名富 尹占鰲 陳忠德 閔得林 江文舉

張起全 黃加貴 袁學生 劉得林 楊全得

朱得林 耿文科 岳得名 何兆禮 尹占魁

陶光輝 傅占魁 吳金林 張得友 金得元

徐全勝 黃得魁 錢得升 王金才 李發魁

蕭 魁 趙得勝 耿文煥 鄔得勝 何從寬

陳 貴 周雙喜 金文盛 鮑天友 姚有福

趙 福 李發宗 劉子魁 陳俊生 曹益政

趙添福 李先貴 錢廣華 徐正春 沈明發

陳得富 汪全盛 任維林 藍永全 黃開升

萬 魁 李廷堂 王文芳 朱 升 江應福

劉添定 熊文炳 白開太 高連陞 王 陞

黃朝富 潘炳仁 江良杞 齊 順 丁秀全

陳連陞 劉占鼇 張明心 郭廷貴 司正朝

陶啟烜 程永和 徐上堯 吳先林 江洪甲

賈世貴 李得有 任文光

以上九十八名咸豐三年在湖北各州縣先後打仗陣亡

漆開禮 李玉貴 楊名玉 季得意 陳彥恭

秦應忠 張發秀 海 順 邢玉魁 朱大生

王正營 朱得昌 任興國 韓發堂 周鳳鳴

羅允福 楊恆太 趙洪升 劉從升 黃應魁

朱占魁 王 順 陳兆升 高得貴 葉錦梅

黃開富 宋尙得 王得勝 傅貴榮 李大榮

李發魁 文得勝 陳占奎 龔 榮

以上三十四名咸豐四年在  
湖北各州縣先後打仗陣亡

袁學魁 張文茂 吳得勝 李培元 張永青

蕭鳴春 胡名舉 馮仁貴 江漢友 黎天勝

周吉昇 蕭如貴 張金魁 李大林 孫朝貴

王興貴 張起順 胡連升 秦永升 趙國勤

潘連升 樊得意 余長青 趙得勝 蕭占魁

崔吉成 李玉春 姜高陞 李天信 劉忠祥

白興文 張程揚 蔡升 李茂林 張全林

陳魁 曾興得 程啟明 鄧得升 王國安

曾桂新 唐從勝 劉學春 王盛魁 李元得

張文魁 何得魁 常得勝 康逢斌 余長友

吳元林 王克興 王順顯 楊國祥 陳永安

賈有舉 姜得勝 王子亮 王翰有 江得勝

鄧青雲 朱勝才 胡士有 賈士榮 曹復明

逢啟勝 曹衍明 鄭秀金 湯得勝 儲得勝

周萬興 李春華 董長青 任開勝 王國江

童應芳 靳華春 張有勝 胡道德 秦得勝

瞿崇德 紀廷貴 王陞 鈕俊華 朱元德

楊大順 馬洪生 張從林 周有才 周全勝

以上九十九名咸豐五年在湖北各州縣先後打仗陣亡

馬得勝 喬得勝 姜有才 陳三元

以上四名咸豐六年在漢陽府屬陣亡

黃開華 曾明倫 張復貴 李象麟 徐文升

陳朝升 涂發善 田玉魁 陳金榮 熊建德

以上十名咸豐六年在均州花栗樹陣亡

冷日暄 李發林 曾滿瑞

以上三名咸豐七年在黃梅縣陣亡

藍發友 高復勝 王國清 陳可忠 李呈祥

周富文 劉成金 耿文富 阮宏 周光福

以上十名咸豐十一年在黃州府陣亡

馬祥玉 黎上達 高得勝

以上三名同治元年在潁州府屬大橋集陣亡

張永生 同治元年在鄭縣城外陣亡

呂光俊 同治二年在鄖西縣屬雞冠寨陣亡

朱光林 李得勝 蔡祥 孫大林

以上四名同治三年在本省各屬打仗陣亡

李勤 皇甫廷福 涂從忠 范志成 郭占柏

段得升 趙金榮 孟祥瑞 余占魁 楊開陞

靳明倫 蕭占魁 皮守魁

以上十三名補遺

陣亡義勇

柯俊義邑諸生嘉慶丁巳襄匪竄鄖俊義偕庠生項昌  
文武生曾貫一義民李文魁等奉檄集鄉勇赴金家  
坪防守四月初三日賊磨至俊義等俱戰死鄉勇被  
害者二十七人

卹賞

李生翹邑諸生嘉慶丁巳八月賊由均竄鄖生翹偕文  
生劉常度義民劉如德曾瑤集鄉壯千人赴茅箭保  
堵禦被賊衝潰死之同時力禦死者李加德等一百  
四十八人又徐有周尹士龍等四十三人禦賊於顧  
家岡俱戰歿李大紹等男婦十八口均不屈死自柯  
俊義以下請

生員項昌文 嘉慶二年金家坪陣亡

生員曾泗良

生員孫光銑

生員劉常度

武生曾貫一

羅夢懷咸豐六年十一月襄匪竄鄖夢懷率子得勝奉諭募勇隨鄖鎮官兵會同黃龍灘鄉勇勦賊於均州之馬路墟六里坪花栗樹父子陣亡

何兆祥武生避亂二道坡髮賊至祥挺身力鬪後賊虜至見祥枝幹魁梧婉言誘其入夥祥不聽賊怒而殺之

徐紹型監生住堵河北岸髮逆至甄城溝紹型督團轟擊逆大股從上游浮橋渡紹型力不支倉猝扶九旬

老母避去被衝散密尋母匿處為賊搜獲縛樹間鱗刃而死母劉氏亦被殺

徐子寅 吳能彭 賈天才 王志義 潘作書

熊大用 張四彥 王柱 黃忠貴 王德

李可舉 王天錫 王元凱 魏敘 余正富

路可乾 毛文信 黃天順 李傅 羅尚寶

劉超今 柯元茂 王君相 鄧天恆 徐光龍

袁朝康 袁朝愛 張必建 張萬壽 張萬全

陳遵章 田中賓 張朝福 張萬友 趙國爵

王國吉 陳上瑩 趙宗禮 閻學孟 劉士龍  
張金榜 陸元鳳 馬高宇 馬才雲 劉天祥  
楊德霖 王增榮 陳德魁 徐大本 劉貞  
楊彩雲 范文學 劉龍貴 胡學孟 方成玉  
吳興元 朱夢龍 謝子照 李榮貴 張敬賢  
徐大元 齊均 胡本先 黃岑兒 董開亮  
李如鳳 董子鴻 鮑必孝 魏光元 袁朝友  
全益三 全泰龍 李長祿 謝永和 范正雲  
李鴻福 王宏邦 寥模 余成富 解茂今

胡本榮 楊天相 劉錡 王有義 王懷  
王昌志 葉文明 魏繼賢 萬中有 曾正元  
王德潤 劉良連 譚見龍 馬起高 陸定有  
陳之德 李貴 孫懷 錢國順 趙資  
王國順 湯成蛟 余成龍 袁琪 胡萬年  
鄭則仁 李廣雲 吳桂珍 楊必華 王天良  
劉卿華 孫魁 李應科 李明 劉玉  
朱朝相 吳正剛 馬士德 朱明松 朱新龍  
王德貴 張文彩 羅泗 張尙書 吳廷現

李子輝 王元龍 張從仁 楊永周 胡景成

劉忠魁 楊生漢 徐有 楊惠 張士貴

江文蘭 陳寬 孟富 王安有 王天瑞

張洪學 瞿璉 王錫桐 王思定 呂桂

李大乾 李宏楷 王錫魯 李大孟 李宏元

尹文貴 瞿璿 尹士龍 陳文芳 何天倫

王士瑩 馬自成 張承啟 房金聲 王錫進

王錫封 高儒 熊悉 熊國祥 高朋

謝學義 李宏渡 李如德 曾瑤 劉如德

楊西 徐仁 徐義 王作正 李應午

李雲基 項榮祖 王正林 王得金 劉常青

李生文 李茂 李生賓 張如林 張文燦

張鼎 梁財 梁學 王一松 杜得舉

郝思法 胡明魁 李寅貴 畢姓 楊生堂

趙元興 項春託 史耿成 王光照 楊玉林

劉得 廖姓 曾郎興 李啟福 黃東玉

劉金 董加貴 熊士魁 徐之南 毛珠

萬正江 王泰元 全順龍 楊南山 龔九全

劉一倫 王得朝 趙世榜 邵德元 傅正海

華玉富 何南水 陳廷梅 徐文南 徐光富

吳有貴 李啟才 曾朝選 許學德 楊開德

向元 彭貴 王加元 汪正乾 黎學賢

王從林 王國華 黃金玉 葉起龍 段開科

吳珩山 吳東山 石宗起 劉芒 王文燦

陳理安 余信德 趙玉池 余應宗 石之玉

楊仲 王天資 劉應科 涂連謨 周洪有

藍仁保 李光富 孫天才 史月魁 梁國棟

何志高 彭天鳳 周起國 楊芝 庾修溫

藍國富 鄧明哲 劉朝貴 柏桂 楊文秀

任耀 鄒義貴 魏得卿 胡盛朝 謝朝剛

陸老二 陳復章 鄭士禮 唐作傳 謝大生

閻廷秀 劉士美 陳應龍 張天成 趙有林

金友 廖重國 廖文燦 張利元 陳見及

關萬良 黃天佑 方成珮 鄧才 吳景陽

吳得貴 李永福 張文柱 張天德 杜桂

李宏佩 徐有周 張名揚 黃瑞 吳茂

趙從寬 曾正魁 侯得山 王梅 趙復位

蕭朝鳳 張起華 魏均榮 夏全 王得有

楊待義 王俊朝 李宏瑩 曾志合 劉聰

褚載德 李宏鸞 李大倫 李宏坦 李尚凌

呂建安 呂戴賓 何漢升 何一勇 熊明善

楊鳳選 張思信 蕭中禮 劉君佐 劉文玉

張彬 李方林 劉忠 李輝朝 方有成

孔傳禮 劉大順 劉宗華 龔梅傳 劉朝倫

徐鶴年 王天良 劉榮 羅老二 余爾連

林尚禮 來學道 陳學中 何紹桂 徐君選

杜世有 張瓊 阮宏義 張魁盛 楊貴

嚴天福 陳舉 任魁 龔雲杭 吳金柱

邱佳盛 黃元彩 張盛年 姚志榮 胡景順

侯有 陳名 賀祥 徐崙 王棟

王正懷 劉文運 陳維達 李文魁 劉盛福

柯瑞珍 曹有榮 呂得玉 吳從周 黃士官

周懷集 李建 陳長安 賈子雲 朱得倫

王得魁 雷見吉 陳自新 許金 袁在北

周琳 陳起貴 姬文友 葉連友 蕭落福

王均綱 江貴 秦宗朝 吳同國 王永海

李鳳光 張學友 杜正加 吳在梁 曾繼魯

黃寅 楊戶 周文舉 江成雲 王訓

曾泗俊 賈朝賓 鄆正新 趙漢扶 王文舉

吳紹宗 王白興 陳維義 鮑思梅 楊甫安

劉士秀 藍昌貴 張才棟 朱有 鄭希皇

陳文廣 呂在賓 黃先 易登科 馮時雍

李謹言 李得才 徐守才 徐有桂 吳志坤

褚士華 申天壽 李大方 李宏浩 李如先

孟朝臣 孟朝先 劉如德 周光有 夏方緒

李有白 陳習照 王佐 楊開福 顧在茲

王之輅 周才華 董廷寶 呂玉坤 呂君朋

陳守義 陳朝棟 陳順興 劉彩剛 杜應秩

杜剛 戴廷芳 周筵賓 陳得龍 梁國志

王遠 王明 瞿天申 索廷棟 傅良友

徐士倫 陳登志 索光國 許士金 劉正元

王得彩 王席政 李在庭 吳自名 巴成才

巴紹楨 汪朝學 葉正其 舒起席 范允金

楊名貴 陳華有 胡定平 胡定泰 張習禮

戴坤聯 趙允可 徐昌玉 樊金榜 商紹雲

彭致槐 任發順 楊生貴 陳得銀 胡庭湘

胡有名 李自貴 王在隴 張豪貴 朱士貴

吳添順 陳在德 任增育 彭庭珍 彭致檜

晏齊德 楊忠 熊明善 喻升 張韋文

周羣高 王在若 劉泰書 彭有仁 彭必仁

周淨朝 藍鳳林 胡庭梅 彭朝德 彭士仁

蔡英 蔡新 夏淋 馬義 夏尚成

張丕才 蕭維顯 田資元 張清 王興國

邱宗元 李興福 黃正富 武如金 羅均富

羅均選 朱成 孫維法 勾維公 王開國

葉應 徐必剛 徐必允 陶于瀆 張萬順

黃得富 陳才 童玉林 熊三思 衛守印

楊文 楊有修 袁升才 王懷林 王宗商

武全志 柯重喜 蔡士德 王老三 張長茂

王子寬 陳廷秀 孔傳禮 曾連貴 陳老蔣

褚習忠 朱萬倉 詹榮學 柴泗 舒思乾

李大興 朱朝鐸 勾加明 熊一才 熊一成

勾加福 勾萬象 勾加榮 瞿得國 瞿相國

瞿花國 李學琅 王新民 涂學林 趙珊

李朝友 孫澤顯 喻啼鳳 楊觀秩 徐在德

何有德 毛春芳 蔣聖訓 曾萱 曾典

曾琳 瞿義國 瞿瑾 涂之明 瞿印國

王修明 王發才 石子位 余化金 柳全

項春雲 羅聲高 彭萬有 曾餘三 朱德宏

王貴 潘起貴 李生耀 周謀福 劉華國

王一相 湯海 王一統 韓生朝 楊文學

熊信仁 王正國 余滙榮 賀金玉 楊天告

葉秀 鄧咸榮 宋幹 趙成 王永茂

夏立德 許中莫 李成玉 牛九發 楊成光

楊正國 王成 李有貴 王大周 余永恆

余泗豪 劉景泗 郭自重 馬道祥 馬道興

馬道宏 楊文 柯起貴 劉欽貴 王維順

楊舉 朱得選 楊景章 陳高位 徐華

唐天生 廖懷義 陶松米 吳葉文 楊才

汪良士 陳有珍 李順 王天福 陳世忠

李會榜 來振玉 倪泰松 朱得位 楊耀盛

楊日貴 何維林 江作新 張彩雲 呂元相

宋設卿 魏建都 計起富 郭成龍 劉見元

占啟賢 黃世和 張守珽 方成祥 王清

宋大成 刁成文 陶世榮 咎聖宗 楊姓

王成友 夏君立 劉見功 周大益 張煥

胡學雄 譚姓 趙美珍 蕭知 龔明華

余龍 吳折梁 姜升元 朱在華 蔣德明

朱添才 陳國輔 汪儀 李文兆 陳科

劉德 陳進 張文貴 陳玉廷 劉開名

李佩 曾先

以上七百二十名從昭忠祠牌位上鈔出陣亡年月無考

王開武 王盛貴 袁文盛 袁林 曾有儒

張大發 李成林

以上七名咸豐六年花栗樹陣亡

郝馬兒 陳正耀 涂文斗 涂文占 涂開文

顧漢玉 陳起富 但開科 涂北興 方元太

田成烈 田心怡 張澤生 田國玉 方崙山

饒鍾秀 張勝祥 王節川 程必才 熊明山

彭自林 陳勝才 王世虎 張承蟠 向之永

鄧福先 屈東祥 屈雲祥 胡勝山 陳丙珍

李含太 鄧文德 鄧文燦 汪世福 李文達

段景福 陳學海 王在寬 程在寬 陳三祥

劉紹剛 董恢白 胡可知 杜世美 熊明山

彭習林 劉有唐 鍾顯富 羅宗文 朱朝相

周明義 張朝貴 王天朝 柯元剛 羅尙實

徐學貴 袁世茂 王國隆 劉廷相 陳得國

李樹桂 馮思明 張維新 李生雷 高懷信

何泗江 胡宗友 胡永高 江廷元 李光有

袁在倫 李學聖 龔天榮 李如連 趙文魁

趙文元 李文虎 李如玉 丁自龍 丁維朝

劉如坤 周乾 李如柏 丁自鳳 丁自寬

李萬選 趙金時 朱得先 孟有 武如海

武一海 張世珍 任學賢 何泗瑄 何泗如

何泗誠 何復星 李學友 李耀先 李東先

明良福 呂建賢 李大進 朱可貴 瞿保國

趙福銀 李得清 葉起祿 葉漢玉 陳才銀

陳可念 舒達棟 魯宗周 卓璉 范得寅

趙進 鄭重交 張才 黃秀文 賈釗

徐瑞升 張之甯 熊國泰 王建祿 梁作勤

吳月賢 梁作用 尤中元 張起貴 詹必金

詹必富 林玉輝 石之剛 張鳳 陶烈爵

陶烈武 蕭天文 黃國富 葉世祥 宋宗並

趙月德 余四十 張尙珠 夏九如 吳相虎

唐大魁 李金龍 周繼芳 何廷智 鞠金瑚

周紫雲 陽見祥 陳旺 夏恆山 宋玉魁

張冕有 黃及成 田大章 夏廷和 柯道貴

唐天生 薛山 任惠 李含武 劉選雲

舒達朋 胡正紀 王志倫 郝宗義 萬之俊

楊文交 徐明貞 劉思賢 涂天順 景玉

熊作棟 侯安 曾月秀 張景壽 鄒義成

趙國珍 王 儒 徐思榮 趙之愷 王 琪

蔡老大 許有曾 黃老么 陳起貴 陳起旺

劉盛德 熊良秀 余國運 尹長勝 何隆發

李守福 趙甫禮 孔興義 李德起 沈 興

陳起鳳 張達山 鄭 瓚 劉 成 劉 恆

張文貴 韓起華 江起敖 胡超英 孫 朋

徐正德 姚起龍 李天華 張學管 葉玉台

葉均明 吳朝斌 劉興朝

以上二百十八名查省志補出

死難

王先用楊紹南秦恢宗楊成光鄭貴嵐石之玉皆西鄉人嘉慶間教匪滋事守卡逼賊殊死戰在顧家岡陣

亡

奧 崇吳燦章陳健知貴廉楊昌運均於嘉慶年間被

教匪擄不屈死

黃殿謨有文名屢試不售教生徒於北鄉多所成就髮

逆入境人競逃謨誓之曰幼讀書壯不如人恨手無

太阿殺賊以捍鄉里逃何為罵賊死之文生魏光照

殿謨門徒也賊擄入營脅之曰入我黨卽饒命否則與適殺之老迂腐同歸於盡光照髮冲冠痛詆之見殺

謝文先年六十七髮逆竄境責以大義曰光天化日之下爾等別父母棄鄉井甘心爲賊尚有天良乎言未畢賊笑殺之

李蕊明當髮逆至妻與媳被擄蕊明持刀憤鬪相持不下妻媳乘隙避去蕊明力竭身死

沈守基茅窩保人同弟守發負繼母避髮逆難路遇賊

基恐母與弟共受害誰髮逆曰我尚害銀若干在某山之麓若舍我母我弟願出所有以贈賊信爲真舍其母暨弟貪所害之金也基料母與弟相去已遠賊追不及詈之曰我從何處覓金有死而已賊殺之毛明順負母避髮逆難與賊遇賊要之去不從挾以威泣對曰我去我母將如之何惟死而已賊殺之趙聯星庠生紹基子也奉祖母避難次漢水忽憶祖母食物一盒尙置牖下歸覓之賊已至門褫其服曳至鋪中刺死

鍾氏兒瞽者也失其名世居鍾家河聞賊至隨祖母逃  
至河干賊追及同祖母投水死

涂興朝邑庠生年八十遇賊大罵投漢江死同時茅窩  
保金鍼年七十罵賊死金殿賓被擄不從死遼瓦保  
盧祖報與賊鬪死

趙嘉銘邑庠生壬戌十月髮逆過境被獲不屈死同時  
陳鴉頭趙門生周運子並死之

項連昌邑庠生當髮逆過境被獲不屈死同死者花園  
保王石匠張鐵練

劉堂有何永富彭其林暨西鄉王明輝李培仁龔繼賢  
陳彥湯王率性王率春於同治元年髮逆竄境或戰  
死或被擒慘死

潘登魁任開保李鳳寅暨孔廣成田中興鮑天雲王大  
順謝天德李榮春均於同治元年罵賊慘死

楊明善雙河保人賊擄民婦數人逼姦於其室明善罵  
賊賊刺殺之同時雙河保陳德義柯耀柄艾成年化  
開選王滿倉王登才李義柱李國法岢峪保張士德  
龍東保王潤南細峪保郭化文尹敬恆安陽口商民

楊率海及羅良典並死之

羅紀堂孝感人嘉慶間寄籍鄖東鄉王莊保教讀爲業同治元年十月髮逆突至勒索財物堂曰老貧儒有何相償賊欲刃之堂躍入塘中死

李仁孫虎汪存同治二年遇藍逆被擄不從死

姜大木匠姜二木匠鄧老四周傳有同治二年被髮逆擄不從死

廉從明年五十餘髮逆竄趙家溝肆姦擄從明責以大義被殺

義行

吳尚仁鄖協行伍樸質好義雍正十一年隨征南苗受重創論功傷當賞尚仁辭不受嘗於道旁拾白金覓主還之鄖都司邗國安以秉義可風旌其門

王金蔡新二壯士也嘉慶間教匪盤踞於廣山陝甘總督宜久攻不下時府憲王方山隨大營勦賊募王蔡二人乘夜偷近山寨暗拋火彈賊大鬪官兵乘而破之事後議功保舉六品軍功

尚之經邑庠生忠厚傳家一門和順子從仁孫魁選青

選曾孫尚英尚華尚芳皆成名同居五世有義門風  
柯世祥性誠篤好施與嘉慶十九年歲饑米珠薪桂祥  
減價以濟鄉里道光十三年歲大饑斗米二金買之  
不得祥又減價儘其所有以售之十七年蝗災祥首  
先捐六白金爲捕蝗費凡郡邑有大工役解囊樂輸  
略無吝色

劉朝綱國學生家殷實教子孫尤有義方道光癸巳鄖  
大水斗米千緡綱減價出糶並以所積糧分濟貧民  
同時子中耀外出歸自覩餓莩卽在途中捐三百金

以賑之十五年雨雹十六年蝗中耀父子先後捐一  
千五百餘金賑濟事聞督學朱獎朝綱以鄉評允洽  
匾子中耀另案敘鹽知事銜迨朝綱中耀相繼物故  
中耀妻陳氏撫孤子藜軒慈嚴兼盡及軒少長嘗勸  
之曰爾好繼祖父志勿墜家聲咸豐四年軒捐制錢  
一千串助餉議敘州同銜陳氏一婦人耳相夫教子  
大有義門風若劉朝綱父子祖孫三代好義出於性  
生又豈多得哉

余師漢生四歲父母見背孀孀撫之成人性豪爽兄師

涇家中落漢讓已產贍之嘉慶甲戌歲大祲減糶濟貧全活無算

黃善人住黑虎保之老人倉性醅厚自來力田度日除家計衣食外盡以濟里之窮人無吝色有爭競者婉勸之或欺其懦決不與校髮逆之亂上下逃難至其家者必委曲周濟使心安而後已

張進爵十堰人家素貧賣飯營生有餘貲便施濟鄉里之尤貧者所居上下數十里路崎嶇爵隨時隨力修之夜則點燈以照行人年五十餘生一子人以爲積

德之報

明節孝

王氏監生鄧仁妻仁早卒氏守節五十餘載隆慶元年旌焉厥後有蕭氏者庠生樹聰妻聰亡蕭年二十二遺孤廷鳳僅一歲蕭撫成之侍姑孝養終身祭葬如禮孀居五十餘年撫治表其閭

徐氏守備琬女廩生周祐妻祐卒徐年二十六苦節撫孤四十餘年撫治章煥奏旌

徐氏甄祐妻夫早歿守節終身

吳氏庠生陳然妻然亡氏奉尊章育遺孤按院督學均奏旌庠生際明其子也卒年八十四

梁氏傅旭妻旭死江南梁負遺骸歸家貧躬親織紉教子嚴補邑庠守節二十餘年當道請旌其門

靳氏廩生謝廷策妻生三子夫歿撫訓三子長子墀少子宸食餼郡庠諸孫均列弟子員年九十一無病而逝當道表之曰鶴算松操

李氏同知寇韋妻嘉靖閒韋官南京助教甫遷敘州同知卒氏年二十六扶櫬歸里矢志終身無嗣缺養

撫治月給贍米

張氏庠生于一鳴妻嘉靖辛酉一鳴應鄉試舟至光化縣牛山頭溺死氏聞計號泣尋感疾不服藥卒年二十五

路氏庠生趙和妻和早亡氏撫遺孤琥成立侍姑以孝聞守節五十餘年卒

鄧氏百戶李仁妻年二十一寡撫遺腹子震成人卒年八十二

謝氏舉人天申女弟庠生陳啓秀妻年十六適陳越

二載夫亡氏矢同穴姑曰汝不顧七十歲尊章耶氏乃起視事養老撫幼守節終身

李氏紹賢女弟郡掾古道隆妻隆卒氏年二十二哀毀盡禮撫二子成立事舅姑謹順既卒殯葬如禮鄉里稱之紹賢爲傳其行

國朝節孝

謝氏徐秉哲妻秉哲歿年二十四歲姑老子幼洪福叛氏扶姑攜子以逃姑卒自庇葬具如禮苦節五十年撫子宗舜成立其女某名幼字邑庠生周詩未婚

周卒女聞計往弔誓死不歸願代夫奉姑姑卒事繼姑亦以孝稱詩有弟三鼎鼐齋女撫教之相繼成名鄉里稱貞女康熙五十九年母女俱奉文建坊入祠段氏庠生周宗适妻适患狂疾時持刀秉火氏服侍不避及亡遺孤亦歿翁姑憐其少欲遣之氏曰婦守節以爲夫也子死而忽易志可乎廼以夫從子書爲嗣撫育成名康熙五十九年奉文建坊入祠

楊氏程子民妻年二十八子民卒赤貧守節事老姑曲盡婦道撫子某成明經康熙五十九年奉文建坊

入祠

李氏庠生白天麟妻年二十二夫亡無嗣可繼養母家姪為子承白姓名玉補邑庠事繼姑曲盡孝養學使凌如煥匾曰風清漢上玉生二子長祖庚承李姓次長庚承白姓雍正六年奉文建坊入祠

徐氏李承先妻年二十四寡孝養翁姑撫子成立苦節三十四年乾隆二年奉文建坊入祠

毛氏庠生蕭廷獻妻年二十四夫歿遺孤繪甫七歲翁年老氏事之曲盡恭順繪入庠年七十六卒乾隆

八年奉文建坊入祠

李氏王鈺之妻年十九夫故無子撫夫從子為嗣乾隆三十一年奉文建坊入祠匾曰清標彤管

劉氏儒童田文秀妻年十六適田踰年夫亡家故貧事祖及翁姑養葬盡禮嗣族子鼇成立嘉慶二年請旌

向氏庠生李燦妻年二十八而孀撫二子俱補邑庠知縣王建中請旌給匾獎之

崔氏羅良佐妻夫卒年二十遺孤復歿矢志守節誓

貞女志  
不他適邑令鄭國佐表其門

曾氏庠生韓宣妻年二十五宣卒依母家守節四十餘年壽終

江氏董士芬妻年二十七芬故家極貧備歷艱苦矢志不移

李氏庠生蔡允茂妻夫亡年二十六苦節終身人無閒言

王氏周澤裕妻夫歿年二十九矢志守節事舅姑以孝聞喪葬盡禮族黨競稱其賢

曾氏李之松妻年二十九而寡撫育遺孤母兼父職二子皆食餼鄉里賢之

閔氏庠生王鏡妻年二十七鏡亡堅持冰操撫子成立人稱苦節

余氏吳永祥妻年二十七祥卒織紉教子苦節三十餘年以壽終

孟氏蕭繪妻于歸逾年而繪卒時年二十有三遺子大年氏同孀姑毛氏茹苦相依撫之成立大年補邑庠子業成己酉拔貢氏年七十二歲卒

任氏馮允亮妻年二十九亮卒氏孝養翁姑撫夫從子爲嗣以壽終

吳氏莫引鳳妻年十九孀子甫彌月氏撫成之

劉氏裴佩宏妻夫亡年二十五矢志不二孝事翁姑數十年如一日

晉氏藍在琦妻年二十八孀遺孤甫一歲矢志撫成

趙氏劉作睿妻年二十六寡守節終身閭里賢之

陳氏趙相妻年十八相歿遺腹生子文輝氏和丸晝荻督責極嚴文輝補郡庠以孝行著於鄉

陳氏廩生周頌妻頌早卒陳食苦茹貧未嘗以爲嫌苦節數十年里閭稱之

黃氏廩生藍鵬翼妻夫卒遺孤樹尚幼家故貧氏勤女紅俾樹就外傳晨起卽令樹入學奉盥水清茗進師所終始不懈師感其意訓迪加嚴樹乾隆乙酉拔貢氏卒年九十三

黃氏卜惠吉妻年二十二夫亡撫幼子成立卒年八十六孫瑄上達俱補邑庠

王氏卜瑄妻年二十六而寡翁姑以家貧婦少艾令

其醮氏指隣人白節婦坊曰此亦女子耳奚不若翁  
喜曰婦志如此吾無憂矣氏勤紡織孝事翁姑及卒  
營葬畢徙鄖西依母家課子耕讀

卜氏庠生張星斗妻年二十四夫卒無子以從子善  
遠嗣勤紡績孝翁姑卒年六十四

武氏李德周妻年二十七夫亡甫娠恐非男也撫從  
子曰瓌爲嗣及生子國柄鞠育如一瓌柄俱入庠氏  
教誨成之也

閔氏吳義松妻監生閔其行女拔貢吳滄長媳也松

亡氏年二十三無子撫夫弟子元奮爲嗣青年食餼  
姻婭賢之苦節三十年卒

張氏陳璧妻年十八璧亡事尊章唯謹翁歎曰使璧  
在盡子道亦不過如是守節四十四年卒

陳氏廩生林世茂妻郡貢生陳宗賢侄女也世茂卒  
氏年二十四矢志同穴舅姑曰汝以死殉縱不愛子  
若宗祀何氏悟卽起視事身操井臼勤教養子亦聰  
穎年十六食餼亦復天氏率媳黎氏苦守年八十二  
卒遺孫棲鸞棲鳳俱歲貢生

趙氏廩生郭銑妻爲人柔嫵靜顯不妄訾笑事翁姑能娛志夫亡氏年二十三無子撫夫弟貢生錕子德溥爲嗣守節數十年足跡不出閨門壽卒

李氏庠生曹正儒妻貢生李誠悠女也年十六適曹未幾正儒卒氏年二十二僅一女撫夫兄大儒次子宅蕙爲嗣氏晝夜勤紡績撫子女婚嫁宅蕙亦無子早亡又嗣姪廩生宅桂子準爲孫以壽終

張氏翁有爲妻庠生張揚先女年二十六有爲故氏謹事尊章善撫遺孤如岱岱多病曲盡辛勤至於成立守節四十餘年內外無閒言

胡氏儒童王敬簡妻邑庠生可棧女年二十夫亡撫姪耀彩爲嗣茹荼飲冰教子成名守節三十年卒

段氏張明達妻舉四子夫亡年三十矣先是姑死明達家貧不能營葬氏昕夕勤女紅得貲厝其姑年八十八壽終子孫林立

何氏儒童陳琬妻琬亡氏年十九撫從子遂先爲嗣教養成名年八十三端嚴有禮鄉人以爲閨中令範

薛氏武生吳士英母年二十八夫故士英甫歲餘氏

矢志撫之事舅姑曲盡孝敬士英稍長出就外傳每散館歸卽令閉戶讀書得成名氏持家勤儉守節堅貞宗族鄉黨皆敬之

陳氏儒童陳課妻孝事翁姑得其懽心課亡無嗣氏向翁泣曰夫好學賣志以沒姪名彥聰穎可繼夫志請以爲嗣氏督課極嚴彥入庠食餼守節五十餘年壽卒

吳氏王宗明妻年二十九宗明亡無子撫從子鎮爲嗣事祖父母及翁姑如禮娣姒閒從無閒言公產讓

夫弟及弟貧乏又推與之氏雖困苦無怨言其兄庠生吳崇嘗謂人知氏節孝而不知其推讓尤可風也

裴氏武生閔紹閏妻年二十七夫亡子敦倫甫週歲氏終翁姑養教子入庠人謂敦倫曰母應舉節孝敦倫以爲請氏曰節孝吾分也何旌之有固辭不許

胡氏張志連妻年二十三夫亡勤耕績養翁姑漸至饒裕勉子鏞勤學及補邑庠猶以勤儉訓焉

趙氏曹秉貴妻年二十夫亡逮事大父及姑皆極孝敬嗣夫兄子芝芳成立端莊貞靜爲族黨所稱

熊氏張聖詣妻年二十八孀居孝養祖姑喪葬盡禮  
子歿撫姪張桐爲嗣以延夫祀

李氏張桐妻桐亡偕姑熊氏撫遺子長成以苦節終  
曹氏何朝丹妻年二十八夫故矢志守節撫孤成立  
子孫綿綿以壽終

周氏朱紹孔妻年二十九夫亡茹苦守節仰事俯畜  
備歷艱辛子成立始卒

張氏戴天澤妻年二十八而寡養親撫子女紅自給  
以壽終

史氏聞義成妻年二十二寡家故貧善事翁姑撫子  
于朝成立克行伍守節五十三年卒

王朝昌妻年二十三朝昌亡苦節三十年卒  
何氏營兵高泗俊妻雍正八年泗俊出師受傷卒氏  
仰事俯育艱苦一生壽至八十三歲

高氏庠生莫可名妻夫早卒奉養翁姑撫孤成立苦  
節五十五年四世同堂享壽百歲閭里欽焉

張氏大興人葉肇奠妻郡經歷振高媳也年二十四  
夫亡遺孤騰奎甫週歲會振高卒以無力回籍遂家

於鄖氏奉姑育子備歷辛勤壽卒

孫 氏儒童康榮祖省志作祖榮妻年二十夫歿無子姑且老家故貧氏撫夫從子白爲嗣事姑恪順未幾子媳相繼歿遺一孫氏撫之成立以壽終

趙 氏庠生劉寀妻年二十寀卒乏嗣以夫從子際雍爲子尋歿復撫姪孫成立以壽終

江 氏儒童王朝簡妻年二十八夫亡遺子樽矢志撫之至於成立而卒

王 氏王鳳妻年二十六寡矢志守節以壽終

孫 氏儒童江琫妻楊氏江琳妻也孫適琫生子暨占甫週歲琫亡氏年十九姑尋歿翁繼娶楊氏生子琳曾翁喪明少姑又病孫事湯藥兼乳琳者七年餘暨占稍長俾讀書遊庠舉優行楊之歸琳也年十七淑慎若妯踰二朞琳卒無子繼子化行爲嗣養老撫幼同勵冰操族黨稱賢娣妯焉

郭 氏庠生高維嶽妻隨州訓導謙媳也維嶽亡遺孤炳煥俱幼家故貧氏茹茶飲冰事翁育子苦節三十餘年

以上節孝七十六人奉

旨已旌者十人

府志

雷氏趙文煥妻歲貢生雷永殷女煥嗜學多疾及病

革氏顛天願以身代煥卒氏年二十二歲哀毀骨立

痛不欲生惟念舅姑在堂遺孤在抱於是順事親嚴

教子道光庚戌奉

旨建坊九祠

李氏趙樸妻年十九歲孀居遺子文燦甫一歲氏撫

之入武庠年七十四卒奉

旨旌表

張氏武生徐之連妻連於乾隆六十年隨征湖南苗

匪陣亡入祀昭忠祠氏年二十六歲無出以期服姪

清來之子廩生人麒續夫祀苦節五十九年卒王氏

徐之瀄妻年二十五歲瀄歿無出以期服姪輝廷之

子候選訓導兆瑞爲嗣苦節六十一年卒學使王贈

芳以雙節競爽表之同治癸亥

旌

王氏許明安妻夫故紡績度日仰事俯畜皆出十指

姑疾侍湯藥衣不解帶者數月子金爵充行伍隨征  
廣西以功

旌 恩敘守節三十九年卒同治癸亥

旌 雷 氏趙經織妻幼習孝經四子書明大義年十七適  
織十九歲夫亡矢志靡他姑嬰痼疾躬親扶掖晨夕  
無閒撫族姪紹基爲嗣髫齡入泮皆氏調廸所致知  
縣陳子飭表以歐柳芳徽匾庚申請

旌如例

旌 江 氏張宣海妻年二十八歲宣海故誓守冰操時孀  
姑年近古稀遺孤尚幼氏仰事俯畜孝慈兼盡鄉里  
賢之現年六十歲咸豐十年

旌 郭 氏儒童新明性妻幼從父樹華讀毛詩知大義年  
十七歸性未及二年性卒誓以身殉家人防之嚴始  
免翁氏儒童明恕妻郭氏娣也結褵四載恕歿偕妯  
郭氏同心守節老事姑嫜不渝尺寸俱無出不忍靳  
氏之祀中絕勸舅續絃娶王氏生子明謙王氏旋卒

氏等飲食鞠育備極艱辛復延明師教讀謙入學食  
餼皆二氏力也咸豐十年

旌

王 氏廩生張澤妻澤嗜學篝燈伴讀徹夜不倦年二  
十八夫故哀慟幾絕事孀姑先意承志姑卒喪葬如  
禮子上恩人文庠咸豐十年

旌

陳 氏議敘鹽知事銜劉中耀妻耀原籍咸甯歸省墓  
中道卒氏年三十聞計慟幾絕嗣遭舅姑喪祭葬如

禮撫遺孤藜軒成立學使馮譽驥知縣方兆科表其

閭奉

旨建坊入祠

王 氏梁文煥妻年二十七歲煥卒氏上事翁姑下撫  
幼子婦德母儀毫髮無憾同治癸亥

旌

崔 氏增生李鴻齡妻齡歿氏年二十七歲孝養翁姑  
撫遺腹子慈愛有加同治二年

旌

姚氏何近恆妻年二十八歲恆故氏青年矢志事翁姑生養死葬罔不盡禮課子讀書入邑庠同治癸亥

旌

王氏儒童張楹妻楹篤學致疾氏侍湯藥衣不解帶者經年二十八歲楹歿哀毀絕粒誓以身殉姑勸乃止事親盡孝撫猶子肇臨如己出肇臨以軍功議敘從九同治癸亥

旌

王氏姚楷妻禮法自持言笑不苟楷卒氏年二十五

歲敬事孀姑慈撫幼子守節四十二年同治癸亥

旌

翁氏儒童徐兆麟妻夫故氏年二十四孝順翁姑子甫二齡撫育成立言笑不苟同治癸亥

旌

燕氏文童楊元勛繼室二十四歲夫故事姑惟謹撫三男一女其長男暨女係勛前室所遺次三俱已出愛護維均課讀不稍寬假人有議其過嚴者氏泣曰童穉之性一日偷閑來日必不願學非得已也同治

旌  
癸亥

鄒氏賈明鈞妻夫故時年二十七歲于歸之初明鈞業儒每以勤學勛之越數年卒尋翁姑相繼逝每以未能盡孝爲憾子得先入武庠同治癸亥

旌  
王氏郝金貴妻二十九歲夫故姑孀失明氏紡績侍養子僅五齡撫之成立家雖貧閨範綦肅戚黨罕見其面同治癸亥

旌  
崔氏從九何近芳妻二十四歲夫故孝敬翁姑教養嗣子鄉鄰稱道之同治癸亥

旌  
劉氏趙芳妻芳以力農致疾醫藥罔效氏焚香禱天願以身代年二十九芳卒誓以身殉其姑曉以大義始輟泣姑老善病侍湯藥不稍懈同治三年

旌  
以上節孝二十二人奉

旨已旌

鄭氏李會榜妻嘉慶初教匪之亂會榜充鄉勇陣亡附昭忠祠氏年二十七歲撫子三長榮長森國安皆入武庠卒年六十二歲學使王贈芳獎以節配夫忠匾額

宋氏庠生黃士彬妻年二十九歲彬故彬昆季四人時皆無子越六月彬弟暉儀舉子兆熊氏嗣爲己子飲食教誨嚴慈兼盡咸豐元年學使杜翰以石貞山壽表其廬卒年七十一歲子兆熊以軍功任陝西岐

山縣知縣

莫氏卜星照妻李氏卜星斗妻同胞妯娌也星照星斗物故二氏均二十餘莫氏生一女李氏無出矢柏舟操同撫一姪爲嗣莫氏卒年八十五李氏卒年八十學使王贈芳以雙節並時表其廬同治元年髮逆擾郡城卜居東關宅燬於火節匾無恙

許氏趙國斌妻斌卒氏年二十九歲矢志守節子三長魁季芳先後入武庠次喆入文庠卒年八十二學使王贈芳以節孝可風匾旌之

曾 氏趙國福妻福故氏年二十四遺一子甫週歲苦志教養數十年孫枝林立率多成就卒年七十三學使王贈芳旌之

李 氏宋之秉妻年二十四秉故遺一子甫三月親老家貧氏盡力孝養翁姑歿喪葬如禮學使王贈芳以砥節懷清表其門苦節五十年七十四歲壽終

梅 氏吳子壽妻年二十三歲子壽故姑老子幼矢柏舟操得姑歡心撫子成立苦節六十七載學使王贈芳以節孝流芳匾獎之

李 氏金克昌妻年二十三歲昌故事孀姑撫弱女誓守從一之義及姑沒女嫁氏熒熒獨居年八十三壽終學使王贈芳獎之

李 氏生員陳誨言妻年二十六歲夫故遺一子亦天氏矢志靡他事舅盡孝年八十四歲卒學使王贈芳獎之

史 氏林銓妻結褵七月銓亡椎心泣血誓以死從因念有身冀延夫祀勉起視事未幾舉一女痛不欲生孀姑命以夫弟子永叢爲嗣氏事親教子戚族罕識

其面學使王贈芳旌以匾額

張氏孫杰妻年二十四歲杰卒家素貧事翁姑歷久不渝撫幼子紹先成立苦節五十年學使王贈芳旌其門

胡氏庠生吳義楠妻年二十九歲楠故生子二長元奮次元善以明經歿又撫善子樹滋人文庠年八十三卒學使王贈芳以淑節流芳旌其廬

燕氏武生王亮塚妻年十九歲亮塚歿僅遺一女矢志守節以夫弟定塚之子徽爲嗣撫恤備至不啻親生道光丁亥學使王贈芳並伊孀母敬簡妻胡氏旌焉

趙氏庠生金文耀長子榜妻孫氏文耀次子相妻趙氏年二十七歲榜歿孫氏年二十四歲相歿趙氏生子二孫氏遺腹子一同心誓守孝事翁姑後趙氏子大用入文庠次子大德暨孫氏子大智俱遵母教克振家聲趙年七十五歲卒孫年五十二歲卒學使王贈芳以雙節競爽旌之

劉氏莫永全妻年二十九歲全故氏願終事姑嫜誓

不他適撫二子一女婚嫁及時親歿附身附棺悉如  
禮學使王贈芳表其門

黎氏鄒義經妻年三十歲經故氏上事翁姑下撫弱  
息勤持家計俾子讀書子近禮入邑庠年七十學使  
王贈芳旌之

吳氏李蘭妻年二十歲蘭卒遺孤克全甫週歲氏奉  
親撫子矢志靡他未幾克全殤翁姑命以夫兄子克  
纘爲嗣婚配後纘夫婦又相繼卒遺孫長春僅六歲  
氏茹苦教育卒列膠庠學使王贈芳獎之

冷氏生員宋士珍妻年二十六歲珍歿氏上有老親  
家無宿積生養死葬毫無遺憾撫夫弟子登瀛爲嗣  
學使王贈芳旌之

顧氏李瓊枝妻年二十九歲瓊枝故氏菽水承歡教  
子嚴而有法學使王贈芳表其閭

宋氏余清妻年二十四歲清故時翁姑春秋高子幼  
氏以養親教子爲己責飲冰茹蘖久而彌堅長孫入  
泮氏猶及見學使王贈芳以清節流芳旌焉

艾氏吳元達妻年二十七歲達歿遺孤樹棠甫三月

氏冰霜是凜上事衰翁下撫幼子以節終學使王贈芳旌之

牛氏楊自興妻年二十九歲與故奉親撫子誓守堅貞學使王贈芳表之

狄氏儒童孔繼序妻年二十一歲序歿家極貧事翁姑以孝聞教子有方學使王贈芳旌以額

孟氏齊之俊妻俊卒氏年二十八歲奉親教子始終不渝學使王贈芳旌之

邵氏趙會元妻年二十九歲元卒孝事翁姑因無出依胞姪生員趙紹貴終焉學使王贈芳旌之

胡氏李志仁妻年二十七歲志仁故無子女誓守冰操賈氏年二十歲適武庠李居仁結褵三年居仁歿遺孤郁傳生甫三月兩氏同心撫育事翁姑曲盡婦職郁傳入邑庠學使王贈芳以雙節流芳旌之

王氏庠生黃鳳起妻歲貢生黃敏先媳也年二十六歲起亡遺孤鍾秀甫四日氏矢志守貞誓死不渝孝養翁姑鍾秀入武庠學使王贈芳旌其門

羅氏郝長妻年二十八歲長故遺二子均幼氏上無

公姑鮮兄弟躬親織紡家漸豐裕以優禮延師教子  
次男自珍暨孫玉華先後入庠氏年八十餘學使王  
贈芳以砥節延齡旌之

冷 氏徐上達妻年二十八歲達歿僅遺二女時祖翁  
暨公姑俱存家道極貧氏承顏順志終始如一繼夫  
兄子鎮爲嗣備歷艱辛撫之成立學使王贈芳旌之  
何 氏庠生趙世傑妻年二十七歲傑故矢志靡他事  
翁姑曲盡孝道撫子經緯入邑庠未幾經緯歿氏又  
撫孫成基守基讀書入文庠苦節四十八年學使王

贈芳以清操勵俗旌獎

戴 氏孝子馬文聰妻文聰於嘉慶七年割肝愈母病

學使茹棻表其廬載在省志踰年文聰卒氏年二十  
七歲誓守堅貞孝翁姑撫夫胞姪桂謨鋒謨爲嗣以  
養以教至於成立學使王贈芳以節配夫孝旌其門

魏 氏農民鄧富明妻家赤貧翁姑衰邁氏年十六歲  
歸鄧竭力中饋奉養不缺及翁姑富明相繼卒氏年  
二十八歲罄所有營葬子三女二撫之成立年九十  
三歲有孫六人曾孫五元孫一五世一堂學使俞奎

垣以秉心貞固旌其門

楊氏虞修吉妻年二十五歲吉卒氏事翁姑始終盡職教子天相名列膠庠守節四十載壽六十五歲終學使方鏊以節勵水霜獎之

王氏張寶恆妻年二十二歲寶恆歿時翁姑年逾六旬遺子甫二歲仰事俯畜備歷艱辛學使以柏舟矢志旌之

郝氏儒童曹宏瑞妻年十九宏瑞故無出以姪皓昇爲嗣未幾昇卒媳燕氏二十而寡守節四十七年遺

子德貴娶媳楊氏生一子而貴歿一門三世守節全貞學使王贈芳以世節揚徽旌之

李氏儒童張安楚妻年二十七歲楚卒有子三孝親課子守節六十年子世琥世華列成均孫六人俱遊泮學使王贈芳表其廬

雲氏黃澤富妻年二十六歲生子上林甫兩月而夫故撫育孤子訓課維嚴入成均學使王贈芳旌其節彭氏李萬哲妻年十九歲夫故恪事翁姑慈撫幼子學使王贈芳獎以額

蔡氏李朝卿妻二十八歲夫故翁姑年邁子幼仰事俯育不辭勞瘁學使王贈芳獎以匾額

宋氏儒童劉培之妻青年守節上事翁姑下撫孤子學使王贈芳獎以節孝可風

王氏李大儒妻年二十二歲夫故赤貧守貞學使以砥節懷清獎之

李氏儒童趙文鍾妻二十九歲夫故子幼親老奉養鞠育兼任其勞子濫入武庠不數年亦故又教兩孫俱成立學使王贈芳獎以額年七十五歲卒

冷氏儒童熊有彌妻于歸二年夫故生子一教之成

立事翁姑以孝稱學使王贈芳以額獎之

王氏儒童燕傑妻年二十一歲夫故一子尚在襁褓氏上事孀姑下撫孤子苦志數十年學使王贈芳以額表其門

張氏楊瑞妻嘉慶六年夫卒氏苦志堅守紡織爲生撫子正森入邑庠學使王贈芳以砥節懷清獎之

王氏王宏文妻二十四歲夫故姑諷以再醮泣曰願事姑餘年以慰泉下之心爰撫姪學選爲嗣學使王

贈芳以額獎之

陳氏郡廩生李芝妻廩生李發森母也年三十芝亡遺二子志矢柏舟孝奉翁姑慈撫幼子邑侯王達以貞節孝慈表其門

王氏李德宏妻年二十五歲宏故遺孤王芒苦志撫之勵節四十五年卒芒妻何氏年二十九歲芒卒遺三子尚幼誓繼姑志撫子成人學使王贈芳以兩世清操旌其廬

段氏雷文元妻年二十一歲夫故苦節五十一年卒

道光七年學使王贈芳表曰節孝流芳

何氏庠修道妻年二十九歲夫故遺幼子二氏事姑教子持節三十三年壽六十二歲終學使王贈芳旌以額

劉氏武生郭樹蕃妻年二十四歲蕃故遺子瑛方三歲翁姑老病夫弟樹人亦屬髫年氏孝親友弟教子持家樹人補郡增生瑛娶婦劉氏踰年而瑛歿劉繼姑守志時年十八歲至三十九歲而卒劉又以樹人子軍功武生瓊林兼承祧學使王贈芳以節孝可風

獎其門壽至七十六歲終壬戌冬髮逆逼郡官兵清東關城道火民居而郭門懸額獨未燃瓊林在城防守望見繼城而出取匾移之宅乃燬

周 氏金梁妻年二十八歲梁歿遺二女無子繼夫弟子爲嗣飲食教誨撫之成立年六十五歲學使王贈芳旌以額

李 氏何安用妻二十八歲夫故遺子玉田氏親操井臼課子成名學使以皓首完貞獎之

姜 氏王修寬妻年二十五夫故上事衰老下撫髻齡

家貧甚紡績度日守貞四十一年學使杜翰獎以石

貞山壽

楊 氏儒童張銓妻十九歲夫故無子以夫兄次子光表爲嗣學使王贈芳以額獎之苦節六十六年八十五歲卒

以上已故節孝六十三人經學使獎給匾額尚未詳請旌表

陳 氏蔡德賓妻年二十二歲無出夫歿誓以死殉戚族喻以大義始強起理事立族姪逢春承祧勤學入

泮學使方錯以砥節懷清獎之現年七十歲

賈氏儒童胡敬妻年二十六歲敬故無嗣氏孝事翁姑以婦職盡子職數十年學使俞奎垣以堅貞不移旌之

馬氏庠生閔敦本妻性至孝于歸後姑病氏剗左臂和羹進之姑頓愈年二十八敦本卒遺一女尚幼撫夫前室子閔崇恩勤有加維持家計艱苦備嘗周貧濟乏至老彌篤鄉里競稱其賢學使杜翰以節孝可風表其廬現年七十五歲

李氏張光燦妻年二十一歲夫故逾十日生一女柏舟自矢頻遭水火不渝其守以堂兄子法健爲嗣學使方錯表其門現年八十歲

顧氏郝文嶸妻年二十五歲夫故事親以孝教子有方知縣陳子飭獎以貞靜延釐現年六十五歲

金氏李世幹妻年十九歲幹故遺二子宜春占春家甚貧矢志撫之苦節五十五年現年七十四歲學使孫家鼎以貞松慈竹旌之

以上現存節孝六人經學使獎給匾額尚未詳請

旌表

鄭氏儒童魯國相妻年二十歲夫卒遺二子俱幼氏事親撫孤不遺餘力年八十三歲卒

蕭氏高殿卿妻年二十七歲卿故矢志奉姑越數月姑又故嬪逼改嫁氏力拒之決計守志卒年八十五歲

康氏徐守易妻貢生康成棟女年二十四歲守易故矢志孝養家甚貧教子敦敏入邑庠卒年七十八歲

王氏監生柯世魁妻世魁故氏年二十一子運仁甫

二歲持家教子鄉里稱賢夫弟世榜夫婦相繼物故遺一子四女氏與同居撫如已出卒年六十一歲

李氏余四春妻年十九春卒誓死同穴族戚慰之曰尊婢老矣子幼家貧欲伸已志如老幼何氏聞之止勤治生產仰事俯畜歷久不渝

杞氏何孔安妻年二十九歲夫故遺一子呱呱在抱矢志撫孤卒年五十三歲

白氏沈國輔妻夫故年二十九歲遺一子苦志守節三十四年歿

陳氏王儒泰妻年二十七泰卒氏痛幾絕念翁姑衰  
老叔翁亦七十餘三子一女家貧無以爲生誓守冰  
操躬親磨麵以奉甘旨教子極嚴次子國華人伍擢  
房邑千總卒年六十四歲

金氏監生陳先志妻先志死氏年二十七歲遺孤二  
曰俊曰傑傑生數月猶呱呱在襁褓中矢志撫之守  
節五十七年孫枝林立八十四歲卒

周氏儒童王樽妻年二十六歲夫故一子僅四歲氏  
甘旨奉親辛勤教子遇饑年採藜藿以供事畜鄉里  
賢之卒年七十六歲

周氏彭碩才妻年二十三失所天一子德全生甫八  
月苦節撫孤卒年八十四龔氏德全妻年十九失所  
天一子有德生甫十月苦節撫孤卒年五十一王氏  
有德妻年二十三失所天一子金印甫二歲苦節撫  
孤現年五十四歲三代苦節彭姓門楣生光矣

張氏戴天澤妻年二十三歲澤故遺孤君用甫三歲  
戴氏兄弟五人僅此一息氏甘貧守節撫子成立事  
翁姑咸以孝稱卒年八十二

崔氏監生翟希先妻年二十七歲希先卒一子又殤撫姪鳳華英華爲嗣鳳華入庠英華食餼皆氏教養力也

馮氏貢生馮瑀之女適夫楊森無行逼改嫁致氏投井遇救得不死以紡績度日事翁姑惟謹二十五歲森死遺一子亦夭撫姪樂意爲嗣獨力支持鄉里敬服

黃氏李德遠妻年二十一歲無出夫故翁姑勸其改嫁以柏舟自誓撫姪自榮爲嗣姪秀蘭如堂賴其教訓相繼入庠八十一歲卒

張氏王欽仲妻夫故二十四歲遺子清輝盛輝俱幼翁姑衰病常在床褥氏仰事俯畜獨力支持遠近敬服

李氏生員陳楚良妻二十一歲夫故遺子肇新絕數月翁姑相繼逝拮据治喪子後入武庠

王氏儒童周錫齡妻夫故氏甫二十六歲生子月餘事親養孤曲盡其道以壽終

李氏楊進富妻二十四歲夫故子延齡未幾亦逝氏

奉翁姑撫弱孫七十九歲卒

陳氏文童何起榮妻二十四歲夫卒家極貧事姑教子孝慈並著以壽終

劉氏庠生趙經緯妻二十九歲夫故孀姑年邁奉養菽水必躬親之子六相繼入庠卒年八十八歲

馬氏羅萬升妻二十七歲孀居一子僅八齡苦節六十年卒

李氏楊典妻十八歲夫故六越月生子名子儒苦節四十四年卒

余氏何近忠妻二十七歲夫故遺子甫三齡守節四十七年卒

郭氏朱秉仁妻夫亡撫夫弟子兆宗爲嗣孝事翁姑子入武庠七十三歲以壽終

王氏柴璽賓妻年十九歲賓故無子撫姪爲嗣矢志不渝年七十九卒

曾氏生員朱成章妻章亡氏年二十二歲苦志撫孤年七十八卒

雷氏董國秩妻年二十九歲秩歿無子或令改適厲

言峻拒撫族子正官延夫祀年五十四卒

龔氏胡璜妻年二十三歲夫故遺二子均幼俾操農

業家漸充裕氏壽至期頤始卒

燕氏曹浩升妻升故氏年二十六歲遺子數齡氏苦

守之諸孫林立壽至九十四歲

李氏孟述孔妻年二十歲夫歿逾月生子一元矢志

撫孤心堅鐵石子入武庠卒六十八歲卒

董氏徐承明妻明於嘉慶三年被教匪掠殺氏年十

八歲事癡姑飲食寢興躬親扶持撫夫胞姪建中為

嗣教之成名年八十六歲卒

鄒氏何天德妻年二十二歲德歿子幼家貧氏勤紡

績撫之成立年逾八十卒

李氏余子先妻年十九歲生子甫九月子先故誓矢

清操事姑先意承志苦節二十四年卒

龔氏李興春妻年二十四歲興春故遺一子氏清操

自勵事姑以孝稱年八十二歲卒

劉氏張榮妻年二十八夫故遺孤保衡甫二歲撫之

成立年八十八歲卒衡娶王氏生子國春而衡歿時

王氏年二十六矢志撫子壽登七十有八春妻曹氏年二十四適春閨六月春卒曹氏撫春前室黃所遺孤誓不他適姑媳相依貧苦自給三世貞操鄉人敬之

胡氏趙文熙妻年二十歲夫故無子父令改嫁氏不答卽請父寫與夫合葬碑預立墓側父不復言嗣一子復夭苦節三十年終

余氏趙文烈妻年二十三歲孀居撫子守節三十三歲歿

蒙氏張萬忠妻年二十四歲忠歿矢志守節兩手以疾廢不能操作丐食全貞年七十九卒

許氏賀高銀妻年二十七歲銀卒矢志撫孤五十四歲終

石氏王錄妻二十八歲夫故生子甫數月氏茹苦撫子能娛姑意有勸其嫁者必面折之八十八歲終

吳氏秦百林妻二十四歲夫死茹蘖飲冰教子成立七十四歲卒

梁氏王文妻二十六歲夫故立志守貞撫子性同

成立孫儒林入武庠七十八歲終

梁氏王一本妻二十八歲夫故矢從一之志撫子思同成立壽八十二終

梅氏黃盛謨妻年十九歲謨故無出氏撫姪爲嗣事親克盡婦道子成立以壽終

傅氏申有壽妻年十九歲壽歿膝下無子氏撫姪承宗祧孝事翁姑人無閒言

黃氏李國銑妻銑亡氏二十五歲矢志守貞事翁姑先意承志繼姪爲嗣延夫祀持節終身

羅氏馬成謨妻謨卒氏年二十九歲無子繼姪爲嗣事親盡孝堅持冰操以壽終

郭氏王一英妻二十四歲夫故遺一女矢志堅守以姪名重爲嗣八十五歲終

李氏羅聲周妻二十一歲夫故撫子永美立志苦守孝事翁姑孫曾列武庠者九人八十八歲壽終

陳氏廩生王村遠妻年二十七歲遠故遺子女各一立志苦守撫育成立堅貞不渝年六十六終

艾氏李輝清妻年二十三歲輝清卒乏嗣躬耕養姑

堅貞不移姑歿以從堂姪元璵續夫祀年八十二終  
崔氏李懋俊妻年十九歲歸俊時俊病劇不能成禮  
氏侍湯藥不稍懈踰年俊知病不起囑氏歸勿自誤  
氏溫言相慰而心如鐵石迨俊卒哀毀骨立目幾失  
明繼夫弟懋傑子爲嗣年四十一卒

劉氏李林芝妻年二十三歲芝故養親教子始終不  
渝翁姑歿喪葬如禮子作哲入成均氏年七十九終  
艾氏劉得壽妻年二十二歲生子克敏未週而壽亡  
甘貧撫孤以延夫祀年九十餘終

袁氏徐治平妻年十八歲適平踰年平卒家貧無出  
誓守貞操平兄強之嫁投繯幾絕兄懼而止繼族子  
光德爲嗣年七十終

閻氏何玉瑚妻年二十二歲瑚故矢柏舟志八十三  
歲卒

校氏張元善元魁母也年十九歲夫故矢志守貞治  
家能儉教子有方年九十六壽終

靳氏余作述妻年二十七歲述歿遺二子均幼時夫  
兄作貢妻羅氏亦遺二子而歿氏撫如已出以養以

教至於成立今孫曾繁衍多列膠庠以壽終

魏氏楊國雄妻二十八歲雄故余氏楊國豪妻二十九歲豪故雄豪同胞前已分析至是孀守復移居一室事親教子各循其分門庭之內和睦整肅魏六十三歲卒余五十六歲卒

楊氏趙文光妻十九歲夫故越四月生遺腹子坦撫之成立松筠勵節人無閒言六十八歲終

楊氏陸安開妻年二十四歲開故上有尊嫜遺一子定啓甫數齡家無立錐氏勤紡績供甘旨教子慈濟

以嚴年五十餘癯痼疾定啓事奉維謹垂二十年母節子孝鄉黨稱之卒年七十五歲

周氏陳開貞妻年二十四歲夫故守節撫孤六十四歲卒

尚氏庾天序妻嘉慶壬戌教匪竄鄖奪舟渡漢序力與賊持殺賊三人賊虜至力竭被害時氏年二十一撫子成立苦節五十九年卒

常氏任福道妻年二十歲道故撫遺子啓學苦節六十年卒

鮑氏王士禮妻二十二歲夫死子玉墀生月餘茹苦  
孀守教子名列膠庠苦節五十年卒

閻氏廩生李懋官妻年十六歸官姑嬰喉疾氏侍湯  
藥歷久不渝懋官卒氏二十九歲遺三子皆幼勉以

學相繼入邑庠子青雲復食廩餼氏年五十一歲卒  
溫氏劉尚彩妻二十一歲彩故矢志守貞逾三月生

遺腹子榮宗氏撫之成立壽九十六歲終

高氏沈國新妻年二十二歲夫卒僅遺一女撫姪正  
隆爲嗣志堅松筠卒年七十七歲

張氏蕭約秀妻年二十六歲秀故遺一子甫二歲夫  
兄欲奪其志氏誓死不移躬親作苦教子成立而家  
亦漸裕卒年七十三歲

郭氏張再修妻年二十餘無出夫亡遺腹生一子名  
應選撫之成立卒年七十歲

趙氏儒童何得產妻年二十七歲夫故誓守堅貞上  
事瞽翁下撫弱息勤儉持家孫枝林立卒年八十九  
歲

周氏監生許光珠妻年三十歲珠歿遺二子均幼氏

矢志撫之至於成立子澤鍾澤毓援例入成均卒年六十三歲

以上已故節孝七十八人年例已符未請

旌表

閔氏儒童高文瑞妻二十二歲夫故哀痛幾絕誓死以殉翁姑安慰再三許繼姪爲嗣氏輟泣蒞事終翁姑養無笑容現年七十五歲

何氏唐天祿妻二十歲夫故家貧無子撫一弱女茹苦如飴現年六十歲

方氏營兵范志誠妻道光壬辰湖南苗匪趙金瀧亂志誠隨征陣亡氏年二十五歲痛幾絕苦志教子誓不他適現年六十歲

張氏王復生妻二十五歲失所天哀翁在堂膝下一女家奇貧採薪茹菜事翁得其歡心現年五十四歲  
陳氏吳秉恆妻恆故氏二十八歲翁老子幼一貧如洗氏上營奉養下撫孤兒翁年耄且病起動需人氏扶持維謹久而不渝現年五十八歲

黃氏周富妻夫故二十歲無子家極貧矢志靡他採

樵傭工以養翁姑姑病禱諸神願以身代人稱苦節  
杜氏柯運至妻夫故氏二十五歲誓守節事翁姑極  
孝姑病割臂肉和羹愈之撫前室子女如己出現年  
五十六歲

燕氏邑增生王克明妻二十九歲夫故無子女家極  
貧繼姪爲嗣備嘗艱辛子成立入邑庠現年五十二  
歲

郭氏張金榜妻十九歲金榜故子週歲堂有孀姑叔  
孀同居氏奉侍維謹夫弟金玉夫婦物故遺二子氏  
代養教不異親生現年五十二歲

徐氏營兵劉清妻二十歲清故躬親農桑養姑撫子  
未幾姑卒子殤悲慘欲死族人憐之立姪爲嗣以成  
其志現年六十歲

劉氏李得芳妻十九歲得芳故遺孤甫九月家赤寒  
勤苦紡織衣食漸裕現年五十歲

楊氏趙養澈妻二十四歲夫故撫兒子爲嗣孝事孀  
姑鄉黨賢之現年五十四歲

李氏張葆元妻二十九歲夫故子甫三齡翁姑衰老

氏茹苦含辛事親教子現年五十一歲

周氏徐守江妻江卒氏二十歲矢志靡他養親教子現年七十歲

袁氏李恆枝妻二十四歲夫故遺一子矢志守節事舅姑以孝聞現年七十歲

趙氏卜源長妻二十八歲源長歿遺二子皆髫年教養兼盡長子德坤採芹食餼現年六十七歲

劉氏陳文範妻二十二歲夫故子甫歲餘矢志不再醮事翁姑維謹教子成立現年五十二歲

王氏趙文煊妻二十六歲煊卒遺子趙堰甫四歲氏奉姑教子備歷艱辛現年八十二歲

張氏萬正仁妻十八歲正仁故遺一子氏甘旨奉親義方教子清貧苦節鄉里稱之

鹿氏儒童華元盛妻十九歲盛故遺腹生子又殤撫姪爲嗣孫曾林立現年七十三歲

楊氏趙習常妻常故氏二十八歲撫子成立人無閒言現年六十四歲

尚氏廣道榮妻二十八歲道榮卒生遺腹子存武氏

員 撫之成立現年五十二歲

常 氏胡久文妻二十一歲文故撫遺子鎮源成立現年五十七歲

聶 氏王志宣妻二十八歲宣故撫二子皆成立現年七十歲

程 氏戴家華妻三十歲華故生子三撫之成立現年五十四歲

王 氏項明貴妻夫故氏二十九歲子僅十齡家貧氏藉女紅作生計苦節清操人無閒言現年五十三歲

李 氏余瀼魁妻十九歲魁故矢志靡他姑周氏憫其無出以三子瀼慶之子邦彥爲嗣氏孝事高堂教子邦彥以庠生援例入成均現年六十九歲

陳 氏朱秉光妻二十一歲夫故誓死不二食貧事親始終無閒撫夫胞弟秉彜子兆泰爲嗣飲食衣服仰給十指現年六十四歲

劉 氏張昆妻十九歲生子甫八月而昆故翁姑諭令改適氏泣曰從一而終婦道也身可殉志不可移現年七十歲

楊氏張魁盛妻二十四歲盛故矢志守節孝事舅姑撫夫弟魁興子爲嗣現年六十歲

石氏營兵黃超妻二十八歲生子甫一歲超亡氏仰給十指撫子成立事舅姑婦職無閒現年六十歲

魏氏康天碁妻三十歲碁歿遺二子均幼矢志守之現年八十歲

郭氏張福祿妻二十九歲祿歿事親盡孝撫子成立現年六十二歲

鮑氏嚴永清妻二十八歲夫故遺二子氏耕織自給撫子成立現年五十八歲

王氏陳修文妻二十九歲文歿家貧困遺一子氏躬督耕耨子克成立現年六十五歲

王氏劉履洽妻二十五歲夫故遺一女矢志不二撫姪爲嗣現年六十四歲

劉氏陳化龍妻三十歲化龍卒時老翁猶存二子均幼氏奉親教子終始如一現年八十五歲

龔氏張德榮妻十九歲榮故遺一子甫數月氏事親盡孝撫子以慈現年六十四歲

馮氏胡國仁妻子中興生歲餘而仁故氏孝事翁姑婦兼子職焉現年八十三歲

熊氏何有忠妻二十三歲夫歿子國珍生甫數月氏事親盡孝撫子以慈鄉里稱賢現年八十三歲

楊氏謝得祿妻二十三歲祿故逾三月遺腹生子氏立志撫孤潔同冰雪現年六十三歲

王氏杜宜榜妻二十四歲榜歿恪事瞽母昕夕不懈家貧苦日勤績紡撫子成立現年七十歲

武氏李錦榮妻二十歲榮故孝親撫子無間終始現年六十六歲

張氏李維崧妻十八歲歸崧逾年而崧歿氏矢志靡他遂撫胞侄天武天秩爲嗣和丸畫荻教之成人事翁以孝稱現年六十九歲孫枝林立稱盛族焉

傅氏李國全妻二十四歲全故遺子萬春僅歲餘氏上事翁姑下撫弱息現年六十三歲

柏氏項明倫妻無子二十七歲倫歿撫夫胞姪國璋爲嗣王氏明僑妻二十四歲僑故遺子國珩甫週歲陳氏國瑚妻二十五歲瑚故遺子元超元亨俱幼三

氏奉親課子鄉里稱之柏氏現年七十六歲王氏現年七十五歲陳氏現年六十二歲

劉氏蔡啟全妻二十六歲啟全故遺二子俱幼家貧氏自食藜藿以紡績所出供翁姑子亦成立現年六十四歲

董氏祝文沔妻二十八歲夫亡苦志守節現年六十四歲

陳氏余光宗妻二十八歲夫故遺二子矢志撫之現年七十三歲

藍氏金大寶妻三十歲夫故無子氏孝事姑嫜曲盡婦職現年五十九歲

楊氏度天俊妻天俊以撲救弟溺同斃漢江時氏二十九歲鞠育弱息恪奉姑嫜現年六十三歲

石氏涂世華妻二十八歲華故時翁已衰老氏謹事之歿葬如禮立嗣以承夫祀現年六十四歲

楊氏李世揆妻二十四歲揆卒遺二子均幼家貧苦守現年六十四歲

尹氏武舉李維才妻十九歲才故家貧遺一子氏苦

志撫之成立現年五十九歲

雷氏李維新妻十五歲新歿僅遺一子矢志靡他撫子成人現年六十一歲

李氏陳子貴妻貴卒氏二十七歲孝事翁姑存歿盡禮慈撫幼子至於成立現年六十歲

章氏張新興妻興卒氏二十七歲翁姑在堂幼子在抱仰事俯育始終無閒現年六十歲

王氏申治邦妻邦卒氏二十九歲勤儉持家上事翁姑下撫弱息鄉里稱之現年六十歲

申氏陳如朝妻二十六歲如朝卒矢志撫子現年八十歲

周氏賀啟祥妻二十四歲祥故氏孝事高堂婦兼子職撫遺子至於成立現年五十八歲

劉氏周顯宗妻二十五歲宗故事親撫子人無閒言現年五十八歲

張氏王光文妻文歿氏二十七歲撫子成立現年七十三歲

羅氏張光展妻二十五歲夫故只一女家貧奉翁姑

唯謹未幾女出閨翁姑繼卒形影相弔者二十餘年  
現年六十三歲

段氏王耀文妻三十歲夫故家貧甚幾無以葬奉事  
翁姑矢志不二子官保早死媳郝氏亦孀守尋卒遺  
二女段氏撫之現年八十一歲

陳氏余滄楚妻二十九歲夫卒貞心守節事孀姑以  
孝撫弱息以慈鄉里胥無閒言現年五十歲

余氏楊茂妻二十八歲夫卒誓死不二事翁姑以孝  
稱教子成立現年七十三歲

李氏陳文華妻二十六歲夫故生子甫四歲家極貧  
氏孝事翁姑慈撫孤子始終不渝其志現年八十五  
歲

黃氏庠生王玉墀妻二十八歲墀歿姑病危氏割臂  
肉和藥愈之撫遺子成立現年七十三歲

吳氏賈爲智妻二十八歲夫卒苦節撫孤現年六十  
三歲

李氏葉相榮妻二十六歲夫故遺子旋夭繼姪光善  
爲嗣現年六十五歲

劉氏廩生王才顯妻性和平嫻壺範二十八歲顯卒茹苦守節遺子二次道遵早歿長道行擇明師教讀道行入庠食餼皆母力也現年七十三歲

宋氏選拔貢生王道本妻二十九歲道本歿遺子二女一氏飲冰茹蘗撫之成立長德輝入邑庠現年五十七歲

陳氏張開祥妻二十六歲祥歿遺孤可繼尚幼氏誓守之今已成立現年五十五歲

李氏郝金華妻二十五歲華歿氏矢從一之義孝事

姑嫜撫幼子文選成立現年七十歲

王氏何傑妻二十八歲傑故躬親耕作養姑及子值歲歉乞食供親志不稍移現年六十歲

李氏李元泰妻二十九歲泰歿孝事翁姑遺一子及冠而亡氏撫二孫女貧苦度日現年五十歲

王氏庠生劉慶隆妻三十歲隆歿氏敬事衰翁撫夫姪源長爲嗣現年六十八歲

陳氏曹玉昇妻二十五歲昇故氏上事翁姑下撫幼子現年八十一歲

徐氏趙登元妻二十四歲元歿氏冰操自矢歷久不渝現年六十五歲

詹氏王世松妻二十八歲夫故孝親育子苦勵冰操現年六十三歲

王氏李森林妻林故氏二十九歲事親盡孝撫二子至成立現年五十二歲

黨氏庠生白秉懿妻二十二歲懿歿子甫週歲堂有孀姑家赤貧氏事姑撫子鍼荷度日現年五十六歲  
李氏張廷才妻二十八歲夫故家極貧上事翁姑下

撫幼子立志堅守現年七十七歲

權氏李作樾妻二十五歲夫故無子孝事姑嫜以姪正恆正紀爲嗣恆入武庠現年五十九歲

劉氏上官立仁妻二十六歲孀居貞潔自守子宏義列成均現年七十四歲

郭氏王建元妻元故氏二十八歲撫子成立現年七十三歲

曾氏上官文忻妻忻故氏二十九歲守節撫孤現年五十歲

權 氏黨克繼妻繼故氏二十五歲矢志靡他現年九十七歲子孫繁衍稱爲家慶

張 氏尚開選妻二十歲選故家赤貧撫夫前室子如已出苦志教養現年五十六歲

朱 氏趙恆心妻二十三歲夫故遺子尚在襁褓家貧氏鍼黹度日教子讀書現年五十二歲

楊 氏吳及江妻二十三歲江故家貧子幼大父衰邁繼姑失明氏曲意承順始終不渝現年六十三歲

戴 氏鄧貴治妻二十四歲治歿家貧矢志誓死不二

現年七十一歲

劉 氏曾必榮妻夫故年二十六歲矢志自守織紡教子長子炳成入邑庠現年六十七歲

羅 氏呂小甲妻二十一歲歸呂月餘夫故矢志守貞事翁姑曲盡婦道撫夫兄子爲嗣現年六十一歲

楊 氏劉興儒妻二十三歲夫亡僅遺一子矢志撫之事翁姑克循婦職現年六十八歲

胡 氏武生柏廷楨妻二十四歲夫故養親教子備極艱辛姑病垂危氏割股愈之現年六十四歲

劉氏孔傳麟妻二十五歲夫故乏嗣立夫兄子繼寶承宗祧氏年五十一病幾死繼寶割股食之而愈現年六十三歲

曾氏劉興義妻十九歲義卒僅遺一子氏堅守之事翁姑克盡婦職現年六十歲

楊氏程孔時妻二十四歲夫故持家勤儉教子有方現年六十歲

朱氏陳希順妻二十七歲順歿遺子二均幼家極貧氏仰十指度日撫子成立長子德富隨征粵匪陣亡

現年七十歲

詹氏趙士珍妻二十歲夫亡遺子忠禮尚幼氏矢志撫之現年九十歲猶健

鍾氏王建德妻三十歲德故遺子興義撫子成立現年七十歲

吳氏張寬妻二十歲寬故矢志撫孤孫祥茂列成均現年九十歲

李氏王紹遠妻二十一歲夫亡遠前室子建賢甫數歲氏撫如已出後列成均現年六十歲

李氏張以修妻二十四歲修歿氏孝事姑嫜存歿盡禮撫子成綱入武庠現年六十二歲

蔡氏邱懷珽妻二十九歲珽亡遺子德銀德順德潤俱幼堅志苦守事奉翁姑克盡孝道現年八十二歲

周氏黃堯宗妻三十歲夫亡守節堅貞濟人困乏至老不倦子孫繩繩現年九十八歲

溫氏周逢惠妻二十七歲惠歿矢志柏舟家風裕好善樂施鄉里賢之現年八十歲

陳氏王堵妻二十七歲堵故家極貧氏矢志守貞備

嘗艱苦現年八十六歲

陳氏李世楨妻三十歲楨故苦節自甘誓不他適現年六十五歲

黃氏秦顯宗妻夫亡氏二十八歲苦志守節久而不渝現年六十二歲

宋氏陳榮都妻榮都歿氏二十九歲清操自矢茹苦如飴現年五十八歲

張氏馮登富妻二十歲夫故子金桂生歲餘氏矢志苦守撫子成人賢聲遠播鄉里稱之現年七十五歲

蕭氏羅發森妻二十七歲森故家素貧二子均幼長音啞亦憨愚鄰人勸令改適氏峻辭拒之耕織自任爲子授室孫枝繞膝現年五十七歲

趙氏陳學宗妻二十三歲宗故矢志守節現年七十九歲

曾氏閻秀妻二十六歲秀故矢志守節現年七十一歲

彭氏劉榮銘妻二十八歲銘故柏舟自矢現年六十五歲

樊氏黃萬福妻二十二歲福故矢志冰霜現年五十一歲

黨氏陳以安妻二十八歲安故苦志守節現年五十二歲

王氏黨錦誠妻二十九歲誠亡子秀蔚甫十齡教之讀書入郡庠現年六十歲

李氏尹紹先之母二十一歲夫歿時紹先僅數月家極貧氏孝事翁姑存歿如禮撫子成立現年七十歲

羅氏郭學書之母二十歲夫亡苦志守節人無閒言

現年七十八歲

鄭氏江化行妻二十五歲行故時上有老姑遺一子

僅歲餘家徒壁立氏仰十指養親育子現年八十歲

唐氏曹德昌妻二十歲夫故氏矢冰操歷久不渝撫

孤成立現年五十歲

劉氏上官力仁妻二十六歲守節現年七十四歲

鄭氏王新乾之母二十六歲孀居現年六十八歲

柯氏周慶元妻二十八歲元卒二子均幼矢志撫之

延師讀書不惜重資長子禮次發林相繼入庠

尚魏氏二十七歲夫亡矢志不二現年五十六歲

江氏儒童何近倫妻二十一歲夫故矢志不二事親

以孝稱現年五十五歲

張氏雷鳴發妻二十二歲夫亡遺子正朝氏茹苦全

貞撫之成立現年六十六歲

以上年例已符現存節孝百三十三人尚未詳請

旌表

江氏梁應賜妻

李氏瞿成元妻

張氏柴先榮妻

黃氏張克緒妻

龔氏陸喜兒妻

余氏羅永年妻省志作賈氏誤

張氏曾宗先妻

蕭氏吳塚妻

李氏鍾雲明妻

廖氏袁金妻

黃氏歐陽元妻

胡氏藍士芳妻

張氏劉開成妻

李氏王鈺妻

何氏周惟員妻

楊氏華正槩妻

以上十六名由通志補入

劉氏陳文世妻乾隆己亥會姑病氏割肝療之邑令

李集列狀請

旌巡撫鄭大進兵備陳大文學使洪樸吳省欽知府邢璣

曾恆德俱為立傳賦詩以美之

大進傳恆德詩李集記均詳藝文

徐氏曾學康妻以孝稱會姑病欲食肉貧不能搆氏割股調羹姑食之愈後知其精心傷甚氏婉言慰曰但得毋病愈股上肉何難復生孝動鄉里縣主聞其事迎署中以花紅錢布獎之

王氏貢生段維翹之媳嘉慶十七年維翹患目疾行將就瞽氏割左股醫之目頓明學使鮑桂星知府孫仲清知縣王達會銜旌其門

上官氏李作吏妻孝事翁姑嘉慶十九年姑病氏割胸取肝和藥煎之姑服立愈七十二歲壽終

貞女劉耀姐武生劉敬讓女讓生四女無子耀姐居季幼年矢志不嫁潔身奉親年七十卒學使王贈芳以守貞全孝旌之

王氏王本華妻道光十七年四月姑郭氏患氣痛氏割肝調湯姑食之頓愈

羅氏何大秀妻奉姑以孝稱道光中姑病劇割股肉烹以進姑食之立愈越日姑謂氏曰汝割股乎氏曰無之姑曰如無其事神何由知賴爾添吾十年壽矣

蓋姑病劇時夢神謂曰汝陽壽已滿後姑於咸豐三  
念汝媳羅氏割股奉親添汝十年壽

年無疾而逝恰符十年之數人以爲誠孝所感云

潘氏魏占科妻家貧事翁姑以孝稱姑病割臂肉調

湯進之病立愈兼達醫術治小兒應手輒效

李愛女儒童李洋女也年十七值洋病沉醫藥罔效女

潛割臂肉烹進之病尋愈迨適庖姓事翁姑尤以孝

聞

藍氏庖之俊妻姑病沉參苓罔效氏焚香默禱割臂

肉調羹進姑食之病頓減自晦其迹久之始覺

雷氏魏毓信妻家故貧姑病無力延醫氏潛剖肝寸

許嚮割爲末作麵繭進姑姑食之病若失越六年姑

病復劇氏割臂肉調羹進之姑卒哀毀盡禮年六十

餘壽終

化氏王心義妻事翁盡孝姑嬰危疾氏割左臂調湯

進姑食盡病愈

趙氏朱文祥妻事翁姑以孝聞翁病彌留氏割臂肉

調羹病立愈

盛孝女細峪保農家女也親年老二弟幼且癩十六歲

時父母爲擇配女力止之謂必二親壽終方可及父母相繼逝決志不嫁闈門之內足音寂然現年六十一歲

郭氏陳昇俊妻事翁姑維謹翁病危醫藥罔效氏割臂肉調羹進翁越日病愈

張氏呂隆春妻姑病垂危氏割股啖之病若失

王氏武生孫占魁妻翁年七十餘病臥牀褥參苓無效氏潛禱神割股烹湯進之病旋愈

周氏王免庭妻事親盡孝值翁病醫治無效氏剖肝一片調羹進翁病立痊現年五十八歲

張氏尚德善妻大父永祥病沉氏割股雜藥進之始有起色

徐氏生員李輝洛妻賦性賢淑年十六適洛獨主中饋恪奉舅姑不以內顧之憂妨夫學迨洛歿氏年五十孺慕之忱老而彌篤教諸子一準義方子元珠元珩孫懋官懋德先後入庠道光庚寅學使旌之

全氏農民張英傑妻年十七歸傑家極貧夫耕妻織無閒暑寒自啜藜藿以甘旨進翁姑翁姑卒喪葬如

我住鄭縣城美中南子38組4子  
各

禮教子入武庠年八十三壽終

千與裝成

彭氏庠生羅江鼇之母秉性賢淑事翁姑以孝稱自奉儉約以贏餘周貧乏男勤耕讀女任織紡壽登九

十三歲卒

鄭縣城美鎮中南子38組28子

凌氏梅重智妻年三十三歲孀居家貧事翁姑以孝

訓子占魁名列膠庠學使王贈芳以節孝可風獎之

現年九十身猶康健婦中賢人中瑞也

以上未

以上未了何

旌孝女孝婦賢婦二十三人



